

交那
撰述

華嚴行願品別行疏鈔六



C40
4514
(5)



C 40-4574

了翁上座請工機及有
家書置武州紫雲山
我微笑塔院燈塔中永
為學者不計出院內
常山二世鐵牛機誦誌



B 64853



大方廣佛華嚴經普賢行願品別行疏并鈔

勅太原府大崇福寺沙門

澄觀

撰別行疏

圭峯草堂寺沙門

宗密

述隨疏鈔

△疏二偈頌二一標舉

爾時普賢菩薩摩訶薩欲重宣此義普觀十方而說偈言。

鈔自下第二爾時普賢下後彰頌偈於中初言重宣者重頌之意總有其四一為後來不聞欲令得聞故二為未悟之者重聞令悟解故三為長行文畧以偈廣之令易曉會故四為結句受持文稍易故有斯四

意故重頌之。

△二正頌三。一頌正示普因。二別頌前十門文。但有七後三合故。文入。一頌禮敬諸佛。

所有十方世界中。三世一切人師子。我以清淨身語意。一切徧禮盡無餘。普賢行願威神力。普現一切如來前。一身復現刹塵身。一一徧禮刹塵佛。

初二句頌所禮。次一句頌能禮。次句明周徧。次句辯徧因。後三句別顯禮相。謂一一佛所各有多身。一一已身能起多禮。故晉經云。一一如來所一切刹塵禮。△二頌稱讚如來。

於一塵中塵數佛。各處菩薩衆會中。無盡法界塵亦然。深信諸佛皆充滿。各以一切音聲海。普出無盡妙言辭。盡於未來一切劫。讚佛甚深功德海。

鈔稱讚二偈中。前偈明所讚。唯深信二字屬能讚因。後偈全顯能讚。於中前半偈明讚相。次一句明讚時。末後一句正明稱讚。

△三頌廣修供養。

以諸最勝妙華鬘。妓樂塗香及傘蓋。如是最勝莊嚴具。我以供養諸如來。最勝衣服最勝香。末香燒香與燈燭。一一皆如妙高聚。我悉供養諸如來。我以廣大勝解心。

深信一切三世佛。悉以普賢行願力。普徧供養諸如來。
此中唯說本行供養。不頌校量法。供養勝。豈得唯舉
劣供養耶。明知長行校量本行。鈔供養中三偈。初
二偈前三句標所供具。後一句正申供養。後偈中除
一切三世佛。五字是所供境。末後一句正申供養。餘
皆能供因。

△四頌懺除業障。

我昔所造諸惡業。皆由無始貪恚癡。從身語意之所生。
一切我今皆懺悔。

鈔四懺悔偈中。初句標所懺業。次句明造業。因次句

指造業具。末後句正申懺悔。

△五頌隨喜功德。

十方一切諸衆生。二乘有學及無學。一切如來與菩薩。
所有功德皆隨喜。

鈔次隨喜偈中前三句餘四字。明所隨喜。後三字明
能隨喜。前中初句有情。次句二乘。後句大乘。就初句
中前四字通標一切。後三字正顯有情。

△六頌請轉法輪。

十方所有世間燈。最初成就菩提者。我今一切皆勸請。
轉於無上妙法輪。

鈔次請轉法輪偈中前二句標所勸請次一句正明勸請後一句明所請事。

△七頌請佛住世。

諸佛若欲示涅槃我悉至誠而勸請惟願久住剎塵劫利樂一切諸眾生。

鈔請佛住世偈中初句標所請次句正明勸請下二句申勸請意於中初句明住所經時下句述所為事△八合頌後三△以後三行皆回向故八九但是回向別義△八隨佛學是向善提通於二利九願眾生是向眾生一向利他△故此三門不相捨離△文二。

一合頌三門二頌願生淨土初中三一總標回向二別頌三門三結歸回向彌顯三門皆回向也△今初以該八九故不依前次。

△文三一總標回向。

所有禮讚供養佛請佛住世轉法輪隨喜懺悔諸善根△牒前所回善根也八九二門屬回向故但牒前七△回向眾生及佛道。

正明回向也△畧舉二處實際離相徧該於二在無盡中△二別頌三門即分爲三雖同回向長行既開故畧標別義△文三一頌隨如來學。

我隨一切如來學修習普賢圓滿行。供養過去諸如來。及與現在十方佛。未來一切天人師。一切意樂皆圓滿。我願普隨三世學。速得成就大菩提。

鈔頌隨佛學中。初句標示。次四句正明隨學。次一句示隨學所因。次一句結成隨學。後一句隨學意。言天人師者。天者名晝。天上晝長夜短是故名天。又天者名無愁惱。常受快樂是故名天。又天者名爲燈明。能破黑暗而爲大明是故名天。亦以能破惡業黑暗得於善業而生天上。是故名天。又天者名吉。以吉祥故得名爲天。又天者名日。日有光明故名曰爲天。以是

義故名爲天也。人者名曰能多思慮。又人者身口柔軟。又人者名有慢。又人者能破慢。善男子。諸佛雖爲一切衆生無上大師。然經中說爲天人師。何以故。善男子。諸衆生中唯天與人能發阿耨多羅三藐三菩提心。能修十善業道。能得須陀洹果。斯陀含果。阿那含果。阿羅漢果。辟支佛道。得阿耨多羅三藐三菩提等。故號佛爲天人師也。

△二頌。恒順衆生。

所有十方一切刹。廣大清淨妙莊嚴。衆會圍繞諸如來。悉在菩提樹王下。十方所有諸衆生。願離憂患常安樂。

撰述
華嚴經行願品疏卷之二
三
獲得甚深正法利滅除煩惱盡無餘。

疏以順衆生卽順諸佛故先舉諸佛。○鈔頌順生行
中。先經文。後疏釋。前中。初偈標能益之尊。後偈顯爲
生啓願。前中初二句標所依淨刹。下二句顯能依衆
會。後偈中初句所順生。下三句申願意。於中初句離
憂常安。次句獲深法利。後句滅除煩惱也。△又佛坐
樹下。爲化衆生。△故晉譯云。如來坐道場菩薩衆充
滿。令十方衆生除滅諸煩惱。明知不相違。○鈔疏有
二。先釋通外難。後結歸本意。前中先釋通。後引證。前
中。以有外難云。本明順生。何先舉佛。故疏釋云。以順

衆生卽順諸佛等。△三頌前回向。前畧今廣。△此下
大願亦是伽陀。△回向與願大同小異。異者謂回向
要有所回善根。發願無善亦可要誓。言大同者。十回
向位。大願爲體。總願別願皆回向故。△今此卽是回
向大願。○鈔三頌前回向者。卽我爲菩提修行時下
三十偈。於中三一會通長行。二會通初地。三解釋本
文。今初。疏亦是伽陀者。梵云祇夜。此云重頌。謂頌長
行也。如前偈等。梵云伽陀。此云諷誦。謂孤起諷讚。非
頌前文。然此十願。若以頌前回向。則是祇夜。若以長
行文中。無別十大願之文。卽是伽陀。故云亦也。亦者

非全一向。疏總願別願者。如願成就佛菩提爲總願也。於中自利利他不同爲別願也。是回向大願者。十回向既是。大願之回向。故知大願是回向之大願。△文有十願。全同初地。但次不同。彼中次者。一供養願。二受持願。三轉法輪願。四修行二利。五成熟衆生。六承事。七淨土。八不離。九利益。十成正覺。今次如經。○鈔文有十願下。二會通初地也。卽初地中全剛藏菩薩爲解脫月菩薩說初地十願。第四校量勝德分三門之第一勝願也。今依彼疏文。前以五對十門釋之。一名體對。名者是總。云願者是希求義。別有十名。依

經依梁攝論列。與此名同。但次第異。今依彼次標列。後釋卽依當文。瑜伽及諸攝論名雖小異。義亦全同。體者剋性。卽以信欲勝解。三爲自性。若取所依悲智相導。卽後得智爲體。二修證對。修者初七修始。次二修熟。後一修成也。證者地前引發。初地齊證。二行位對。行者初二自利。次五利他。八自利滿。九利他滿。十二利果。若約通論。十皆二利。位者通論。卽初地所得也。彼是初地之文。故作此配。若就此中十願。卽初後圓融不局定位。四因果對。前九求因。後一求果。五立意圓融對。立意者所以但說十者。以攝二嚴二利因

果行位無不周故。又表無盡故。故云一一皆攝阿僧祇願。圓融者。以稱性故。一願之中。具一切願。卽入重重。如常所辯。六相圓融。正在此文也。故世親菩薩言。六相者。總相。別相。同相。異相。成相。壞相。總者是根本法。以初一法無不攝故。別者。餘九法。別依止本滿彼本故。同者。斯法同名法故。異者。增相故。諸法漸增故。成者。畧說故。攬九緣以成一畧也。壞者。廣說故。分一作九。九外無一。此九因緣各住自相。不相成也。猶如梁柱等共成一舍。總則一舍。別則諸緣。同則互不相違。異則諸緣不同。成則諸緣辦果。壞則各住自法。凡

舉一法皆六相圓融。又華嚴第三祖康藏國師爲則。天皇帝指金師子說六相圓融。如彼金師子章也。彼經文有二別。一正顯十願。彰自勤行。二明十盡句。與衆生共。初中四。一總標。二別列。三總結。四攝眷屬。初中地經云。佛子。菩薩住此歡喜地。能成就。如是大誓願。如是大勇猛。如是大作用。釋曰。能成就。言該下三句。初句。始起要期。次句。方便起行。謂成彼一一願中。所作方便。皆勇猛故。後句。願道行成。謂如供養佛。便能供故。餘九例知。此願亦卽行。稱願行故。非如凡夫。空有要期。是以總言成就也。以總該別。十願皆有

攝述

華嚴經疏證卷之六

此三也。二別列十願者。一一願中。文各有四。皆初四字總標起願云。又發大願。此四字九願皆有。唯初供養一願。以近標文故無也。二顯願行相。十願各別。然與此經文異義同。下隨文引之會釋。三彰願德能。十願皆云廣大徧法界。究竟如虛空。四明願分齊。十願皆云一切劫數無有休息。此段雖十願文同。而所作各異。應云供養無有休息等。不似第三段文義皆同也。就初後二段文通義局。第三德能文義俱通。十願皆有廣大等德故。三總結云佛子。住此歡喜地。發如是大誓願等。三句全同標文也。四攝眷屬云。以此十

願爲首。滿足百萬阿僧祇大願。然此經但有第二別願中之行相文義無餘三段。以此須知彼經中願與此大同小異之意。故畧標釋勿狀異端。疏今次如經者。依此經次第解釋本文也。但隨義便會於彼經。

△文二。一別發大願。十一受持願。

我爲菩提修行時。一切趣中成宿命。常得出家修淨戒。無垢無破無穿漏。天龍夜叉鳩槃荼。乃至人與非人等。所有一切衆生語悉。以諸音而說法。

亦名護法願。故十地經云。願受一切佛法輪。願攝一切佛菩提。願護一切諸佛教。願持一切諸佛法。△今

文初句攝菩提。△次句持佛法。△次二句護佛教。修行戒行爲護行故。△破穿之義已見上文妙住章中。○鈔第一我爲下二偈明受持願。卽彼第二願也。疏故十地云。至一切諸佛法者。此四句全寫彼行相之文也。彼釋云。但言釋云。卽彼疏引論釋也。下皆準此。四句皆通二利。然若約能受持等說。受謂領受。攝謂攝屬。護謂防護。持謂住持。故勝鬘經云。攝受正法。護持正法。若約所受持等卽一教二果三行四理。三云護教。判爲行法者。論云。謂修行教法。於修行時有諸障難。攝護救濟。故能受等。文雖互舉。義實皆通。言常

得出家修淨戒者。家謂家宅。以拘繫爲義。離煩惱縛。名曰出家。又在家迫窄。猶如牢獄。出家寬曠。猶如虛空。又智度論云。孔雀雖有色嚴身。不如鴻鶴能遠飛。在家雖有五欲樂。不如出家功德深。又如心地觀經。佛爲智光長者說。出家在家二種勝劣。佛言。出家菩薩勝於在家。無量無邊。不可爲比。何以故。出家菩薩。以正慧力。微細觀察。在家所有種種過失。所謂世間一切舍宅。積聚其中。不知滿足。猶如大海。容受一切大小河水。不知滿足。又云。在家之人。心恒起妄想。執著外境。不能了真。無明昏醉。顛倒觸境。亦常不住。惡

覺易起善心難生。由妄想緣起諸煩惱。因眾煩惱造善惡業。依善惡業感五趣果。如是如是生死不斷。出家菩薩能如是觀。厭離世間。名真出家。偈云。出家菩薩勝在家。善分喻分莫能比。在家迫窄如牢獄。欲求解脫甚爲難。出家開曠若虛空。自在無爲離繫著等。又云。若有男子女人。一日一夜出家受戒。二百萬劫不墮惡道。以是因緣。故願常得也。疏。破穿之義。至妙住章中者。卽善財第四善友妙住比丘。大經則名善住也。此善友寄第三修行住也。此章中說二十種戒。彼疏將配回向品二十梵行。於中第十二名不缺漏。

戒配第二不缺梵行。又第二十無垢戒配第一不破梵行。彼釋云。若破四重十重。猶如破器無所復用。最麤重故。今經云。無垢卽無垢戒。又云。無破卽不破梵行。無穿漏卽不缺漏戒。雖加穿字無缺字。而穿與缺義亦不殊。故指彼釋此。意亦同。涅槃經。愛見羅刹乞浮囊之喻也。△後偈願受一切佛法。輪卽是如來。以一切音而說諸法。令能徧受持。△故上經云。能令三界所有聲聞者。皆是如來音。

△二修行二利願。

勤修清淨波羅蜜。恒不忘失菩提心。滅除障垢無有餘。

一切妙行皆成就。於諸惑業及魔境世間道中得解脫。猶如蓮華不著水。亦如日月不住空。

於中一切妙行皆成就者。此是總句。謂廣大無量世出世間種種行故。亦行方便。○鈔第二勤修下二偈。修行二利願。卽彼第四也。疏此是總句者。文云一切。故是總也。以隨義便。故不依次釋之。下多做此。疏謂廣大無量至種種行。故者。彼經云。願一切菩薩行。廣大無量。不壞不雜。論釋云。廣大無量。是世間行。意明俗智之行。廣從初地乃至六地。大者七地。無量者入地已上。不壞不雜。是出世間行。不雜世間。有漏法故。

不壞者。冥同真性故。疏亦行方便者。彼經行中有四位。行相。行體。行業。行方便。行方便中以六相圓融。令一行具一切行爲方便。經云。攝諸波羅蜜淨治諸地。總相別相同相異相成相壞相。所有菩薩行皆如實說教化。一切令其受行。心得增長。今云一切妙行皆成就者。文合彼意。故指云行方便也。餘三此配之。在疏可見。△餘句爲別。初句行體。卽十波羅蜜除蔽清淨。○鈔初句行體者。前云廣大無量者。世出世間等。正辯此十波羅蜜之相。故此云體也。明此十波羅蜜義畧以三門分別。一釋名義。二明體性。三問答廣畧。

初中又二先釋總名。後釋別名。今初。十卽是數。波羅蜜者。此云到彼岸也。以生死爲此岸。煩惱妄念爲中流。真空之際爲彼岸也。故賁疏云。由無正智住生死岸。溺煩惱流。起惑造業。輪回無極。但令修無相慧。照五蘊空。名離此岸。妄念永寂。是越中流。證法性。如是到彼岸。又唯識論以現起苦集爲此岸。未起苦集爲河流。菩提涅槃爲彼岸。六度爲船筏。以行人五蘊假者爲所度。又智度論中有三義。一以生死爲此岸。菩提爲彼岸。一切如來皆從生死此岸。越四流之大河。到菩提之彼岸。此約果解。二以有相爲此岸。無相爲

撰述

法苑珠林卷之六

彼岸。此約心釋。三以六蔽爲此岸。六度爲彼岸。此約行釋。唯識第九要七最勝之所攝受。方可建立波羅蜜名。一安住最勝。謂要安住菩薩種性。二依止最勝。謂要依止大菩提心。三意樂最勝。謂要悲愍一切有情。四事業最勝。謂要具行一切事業。五巧便最勝。謂要無相智所攝受。六回向最勝。謂要回向無上菩提。七清淨最勝。謂要不爲二障間雜。若非此七所攝受者。不得名爲到彼岸也。後釋別名。一布施者。蓮心廣。大名之爲布。輟已惠人。名之爲施。施有三種。一財施。二法施。三無畏施。財施者。瑜伽論云。又諸菩薩所有

上文那

法苑珠林卷之六

十三

撰述
財物若多若少。無不運心先施一切。後來求者如取
自財。菩薩與時還如彼物。見來求者終不嗤笑。亦不
輕弄。亦不令其心生赧愧。亦不嘖蹙。舒顏平施。前笑
先言。終不稽留。疾疾而施。不積聚施。謂諸菩薩不於
長時漸漸積集。聚多財物。然後頓施。見積集施。其施
有罪。見隨得施。其施無罪。無畏施者。謂他有恐怖種
種難事。菩薩方便救脫。令離怖畏。或於禽獸等諸有
情所不爲惱害。令離怖畏。如是種種名無畏施。言法
施者。謂以正法爲人演說。於諸施中。法施爲最也。二
淨戒者。防非止惡。名之爲戒。於戒不犯。名之爲淨。此

亦三種。一攝律儀戒。謂斷一切惡法也。二攝善法戒
謂修一切善法也。三饒益有情戒。以無罪樂普利衆
生也。如攝論說。由攝律儀戒。能建立菩薩行。由攝善
法戒。能廣集佛法。由饒益有情戒。能無罪利益也。三
忍辱者。他人加惡名之爲辱。能安受之名之爲忍。此
亦三種。一耐怨害忍。由大悲心。不捨有情。於怨害等
忍。受不恚。二安受苦忍。謂修行時。若遇寒熱饑渴等
苦。安住忍。受不生退轉。三諦察法忍。謂審諦觀察一
切諸法。無滅無生。而忍證也。當知此忍。能與前二爲
依止處。由達諸法。無生滅等。方能堪忍。怨害等苦也。

四精進者勇捍無退名之爲進。萬行不雜名之爲精。此亦三種。一被甲精進。猶如猛將身被甲冑能摧怨敵無退屈心。菩薩亦爾被精進甲積集萬行。降四魔。怨二攝善精進。謂修習善法。進取無倦。二利樂有情精進。於饒益有情事不生疲厭。五禪定者新譯云靜慮。專注一境名禪。攝心不亂名定。念慮澄寂故名靜慮。亦有三種。一安住靜慮。謂心住現法樂也。安住此中。輕安適悅。受用法樂無厭倦故。二引發靜慮。謂依此定引發六通。諸所思事悉皆成滿。三辦事靜慮。謂依此定成辦利樂有情之事。如以定力止息饑饉等。

六智慧者決斷名智。揀擇名慧。此亦三種。一生空無分別慧。謂證生空人無我理。二法空無分別慧。謂證法空法無我理也。三俱空無分別慧。謂證二空空無我理。七方便者攝化自在。應變隨時善離過非名爲方便。此有二種。一回向方便善巧。以前六度所集善根共諸有情回求無上正等菩提。二拔濟方便善巧。謂一一皆爲拔濟諸有情故。前般若德。後大悲德。八願者專心向樂樂求不退名願。此亦二種。一求菩提願。二利樂他願。九力者有勝堪能不可屈伏名力。此亦二種。一思擇力。可作不可作等。二修習力。謂修萬

行時不退不屈。由此二力。令前六度無間無斷。長時現行。十智者決斷諸法。能善了知名之爲智。此亦二種。一受用法樂智。由施等度成立此智。後由此智成立施等。如是自在。名受用法樂。二成就有情智。由此妙智能正了知施戒忍等饒益有情也。故攝論云。由施能攝受有情。由戒能不害有情。不生瞋故。由忍遭苦能受。由勤能助他。有情所作善事。由定未定者。令定也。爲未得定。諸有情說行相方便。令彼有情成辦此定。由慧爲已得定者。令解脫等。爲菩薩自己得出世間慧。斷障得解脫已。廣爲一切。已得定者。說遠離

世間解脫功德。不令依定。求有所忻上。今依已得上地。勝定遠起。加行引出世間慧。卽斷障解脫。故名成熟有情也。上來畧釋十度別名竟。二出十度體者。初施以善十一中。無貪及助成無貪者。同時二十一法并三業總爲施度體。此卽總相出體也。若以剋性相應眷屬等。子細出體。廣如論中也。二戒度以遍行中善性無表思在大乘者爲體。若約同時相應者。總二十一法及所起三業總爲戒度體也。三忍辱以無瞋精進審慧及同時二十一法三業爲忍度體也。若不得無瞋。卽遇怨害等時。卽便退屈不能忍也。若無審慧。

遇諸境界不能忍可。即便退屈。故以審慧爲體。卽三慧中思修二慧也。聞慧行相麤劣。無忍義故。不取之也。又若無精進在懷。卽遇寒熱等苦。亦不能忍受。故忍約勝以無瞋。審慧精進爲其自體也。四精進卽以自名相應。二十一法同時三業爲體也。五靜慮卽以別境中定數內等引定及同時二十一法爲體。此定及第六慧不通三業體也。六後五度皆以本後二智及相應二十一法爲體。故唯識論云。後五皆以擇法爲體。說是本後智故。問。五中幾是根本。幾是後得。答。第六唯根本攝。後四皆後得智收。此約十度解。若說

六度者卽第六慧度通根本後得智也。上來總是出十度體竟。三問問答廣畧。問。有何所以但說十度。不增不減耶。答。有二因也。一者以菩薩所住地有十故。二者以菩薩於十地中。所對治重障有十種。故所以能對治度亦有十也。故此疏云。以十度行淨十種蔽。蔽卽障也。三者菩薩所證有十真如。故度亦有十也。問。諸教多說六度。今此說十。何故相違。答。亦不相違。何以謂開合不同。更無別義也。若開卽別說。後四便成其十。若合之卽但有前六。不說後四。問。若不說後四。莫攝義不盡。答。以後四度助成前六。故卽攝在前

六中亦攝法盡也。故論云方便善巧助施等三願助
精進力助靜慮智助般若令修滿故。言方便善巧助
施等三者解深密經云於前三種波羅蜜多所攝有
情以諸攝事方便善巧而攝受之安置善品是故我
說方便善巧爲施等助。願助精進者彼云若諸菩薩
於現法中煩惱多故。元於修習無間無有堪能。由劣
意樂故。下界殊勝故於內心住無有堪能。乃至未來
輕微心生故。正願如是。由此願故微薄能進。故願助
精進也。力助靜慮者解深密經云若諸菩薩親近善
士聽聞正法。如理作意爲因緣故。轉劣意樂得勝意

樂。亦名上界勝解名力波羅蜜多。由此力故於內心
住有所堪能。故說力度爲定度助。智助般若者經云
若諸菩薩以能聞緣善修習故能發靜慮。如是名智
由能聞故堪能引發出世間慧。故說後智是慧度助。
問何以唯具六耶。答如世舟船有六法故。此畧明問
答也。更有餘義恐繁不述。上來三段總是第一明行
體中畧說十度義竟也。△第三句是行業。以十度行
淨十種蔽。助真如觀。淨十種障故。○鈔第三句是行
業。下至十種障。故言十度行。可知也。十種蔽者謂一
慳貪。二毀禁。三瞋恚。四懈怠。五散亂。六愚癡。七耽滯。

入退屈。九怯劣。十昧事。此十隱蔽妙行。故以十度如次除之。疏助真如觀者。智觀真如爲正道。十波羅蜜爲助道也。故云助觀以淨十障。十障十如義。在玄談鈔中明也。△後偈行相。於諸惑業得解脫者。卽出世間行。△及魔境界世間道中得解脫者。卽世間行。△猶如蓮華及日月喻雙喻二行。處於世界猶如虛空。亦如蓮華不著水故。身心清淨超彼岸故。○鈔後偈行相。至超彼岸故者。地經行相之文。卽前所引廣大無量世出世間等也。今此一偈前半法。後半喻。法中上句卽出世間行。下句卽世間行。解脫之寓意兼上

句出世解脫。出世解脫卽全超世間世間解脫卽處之不染。下半偈喻雙喻二行也。亦可日月喻出世解脫。不住空故。蓮華喻世間解脫在水中故。△上之七句皆是能增長行。△第二句是所增長心。由依此義此行亦名心增長行。△故十地云。令其受行心得增長。○鈔上之七句。至心得增長者。以地經於此願相中。科爲兩段。一能增長行。卽前行相等四。二所增長心。卽此全引也。以有如上諸行相資故。增菩提心。令不忘失也。以取地經地論文勢故。以諸行增長菩提心。若直據此文。亦可由菩提心而增長諸行。卽心是

能增長行是所增長。故離世間品云若忘失菩提心而修行諸善根者是為魔業。又標在二千之行最初。況此次云出魔境等義亦相扶彼文。此一段文請以疏中所引地經及此經偈相對詳之。

△三成熟眾生願

悉除一切惡道苦等與一切羣生樂。如是經於刹塵劫。十方利益恒無盡。我常隨順諸眾生盡於未來一切劫。恒修普賢廣大行圓滿無上大菩提。

第五句為總。餘句為別。初句離苦。因果皆離。次句得樂。乃至涅槃。第三豎長。第四橫徧。後三句總結長時。

所成因果。△卽十地經令其安住一切智智道。○鈔

第三悉除下二偈成熟眾生願。卽彼第五也。疏初句離苦至涅槃者。地經先舉所化四生九類眾生。後明所為。云如是等類我皆教化。令人佛法。令斷一切世間惡趣。令安住一切智智道。文勢全似金剛經也。斷世間趣卽上句。令人佛法卽此下句也。

△四不離願

所有與我同行者於一切處同集會。身口意業皆同等。一切行願同修學。所有益我善知識為我顯示普賢行。常願與我同集會於我常生歡喜心。

謂願於一切生處恒不離佛及諸菩薩。得同意行故。亦名心行願。願不離一乘故。○鈔第四所有下二偈。明不離願。卽彼第八也。疏於一切生處恒不離佛及諸菩薩等者。如不動優婆夷章中云。其有修行善知識。教諸佛世尊。悉皆歡喜。其有隨順善知識語。則得近於一切智地。其有能於善知識語無疑惑者。則常值遇一切善友。其有發心願常不離善知識者。則得具足一切義利也。如德生童子有德童女章中。有其十喻顯善知識。彼云。復次善男子。善知識者。長諸善根。譬如雪山長諸藥草。善知識者是佛法器。譬如大

海吞納衆流。善知識者是功德淨法生處。譬如大海出生衆寶。善知識者能淨菩提心。譬如猛火能煉真金。善知識者出過世法。如須彌山出於大海。善知識者不染世法。譬如蓮華不著於水。善知識者不受諸惡。譬如大海不宿死屍。善知識者增長白法。譬如白月色光圓明。善知識者昭明法界。譬如盛日照四天。下善知識者長菩薩身。譬如父母養育兒子。善男子。以要言之。菩薩摩訶薩。若能隨順善知識。教得十不可說百千億那由他功德等。是故願面常同會。總又如智度論三十二云。如以少湯投冰池上。雖消少處

返更成冰菩薩未入法位若遠離諸佛以少功德無方便力欲化衆生雖小利益返更墮落以是新學菩薩不應遠離諸佛也。又念我未得佛眼如盲無異若不爲佛所引導卽無所趣。菩薩見佛得種種利。得大智慧隨法修行而得解脫等。又大品云菩薩漸近薩婆若。漸得身清淨心清淨相清淨是故不生貪瞋癡慢乃至邪見心故終不生母胎腹中常得化生。從一佛國至於佛國成就衆生。乃至菩提不離見佛等。疏亦名心行願者以同心志在於一乘故卽爲心行願也。△初句爲總同志一乘故。△餘句爲別於中先三

句自分行同意業同者平等一緣故。身業同者同得如意神通故。語業同者同說一味法故。上卽三輪同。△一切行願同者若福若智萬行皆同。△後一偈勝進同。以更成益復顯示故。○鈔初句爲總同志一乘故者地經總相標云願與一切菩薩同一志行。釋云同志一乘同修萬行。以此經但云同行故疏引彼文簡之屬一乘也。一乘之義佛法大綱依香山勝鬘疏中聊爲解釋。言一乘者統收不異謂之一。運載合容謂之乘。故名一乘。卽一佛乘。謂教理行果總名爲乘。皆有運載義故。彼明一義有其十門。今明前七一簡

二名一佛乘第一。非同餘二。二廢二名一。如法華經云。正直捨方便。但說無上道。三破二名一。謂破二乘執實之情。爲說究竟一乘之法。四會二名一。指小卽大故。如云。汝等所行。是菩薩道等。又如大乘爲本故。五無二名一。如說香積彼土。無有二乘名字。但有清淨大菩薩衆。六不二名一。不二法門。泯絕無寄。如無言世界外。卽無說無示。內卽無慮無思。以爲佛事。一相等寄理。絕言故。亦名一。七不一名一。謂一切卽一。一卽一切。一切非一切。一亦非一。一切諸法。互相涉入。事事無礙。相入相卽。無不鎔融。同一法界。皆如

幻故。故大經云。一卽是多多。卽一等。總一切法。都是一乘。然此七義。前前淺。後後深。今此所取。卽第七。稱經宗故。平等一緣。故者。地經云。一切菩薩平等一緣。釋曰。亡緣。炤境也。疏得如意神通者。彼經云。隨意能現種種佛身故。言同得如意神通者。此卽神境通。具足應云。神境智作證通也。大論第六云。如意通有三。一能到。二轉變。三聖如意。能到有四。一身能飛行。如鳥無礙。二移遠令近。不往而到。三此沒彼現。四一念能至。轉變者。大能作小。一作多等。改變外物。自在能變。聖如意者。於不可愛。不淨等物。觀令可愛等。自在

通達唯佛獨有。今此卽是一念能至。瑜伽論說此通有二。一能變。二能化。變謂十入變等。化謂無而忽有。謂化身化語化境等。疏一味法者。唯說一乘。無二亦無三也。疏後一偈勝進者。前云同行。故名自分。此云益我。故名勝進也。

△五供養願

願常面見諸如來。及諸佛子衆圍繞。於彼皆與廣大供。盡未來劫無疲厭。願持諸佛微妙法。光顯一切菩提行。究竟清淨普賢道。盡未來劫常修習。

願供勝田故。○鈔第五願常下二偈供養願。彼第一

也。△第二句爲總。與廣大供故。△大有六種。△一心大。無疲厭故。二供具大。財法正行皆具足故。財供攝在總句。正行卽第五六句。三福田大。卽初二句。四攝功德大。卽第七句中究竟普賢道。是勝功德故。五因大。卽第七句中清淨二字。如空清淨爲無常愛果及常果之因故。六時大。卽第八句。○鈔大有六種者。彼經行相及德能中各有三義。通成六大。顯初供養大願之義。行相中三大者。經云。所謂生廣大清淨決定。勝解以一切供養具恭敬。供養一切諸佛。令無有餘。一心大。二供具大。三福田大。然俱舍偈云。由財田主

異故施果差別。今財田主三。一切皆勝果卽不差別也。審詳德能中三大者。經云廣大遍法界。究竟如虛空。盡未來際。一攝功德大。二因大。無常愛果無量因故。三時大。此因得涅槃常果故。以如上六大。一一對今疏文六義卽顯也。疏如虛空清淨爲無常愛果及常果之因故者。卽十地經六決定中第四因善決定也。經云究竟如虛空。盡未來際。論云是因善_{定決}。此有二種。一成無常愛果因。如虛空。依是生諸色。色不盡故。二常果因。得涅槃道故。故經云盡未來際。上皆論文。彼疏釋云。今明此智有其二能。一寂而常用。故爲

無常果。因用雖虧盈智無起滅。如所依空非無常故。經明此智究竟如虛空。二用而常寂。故爲常果因。雖涅槃永寂而智體不無。若不爾將何窮未來際。若會三身者。卽用爲化身。寂爲法身。智爲報身。非無常矣。不同法相宗報身是有爲無漏。論云無常愛果者用適機故。此上皆十地地體中經文疏文也。彼常果因在時大中已辯也。

△六利益願

我於一切諸有中。所修福智恒無盡。定慧方便及解脫。獲諸無盡功德藏。一塵中有塵數刹。一一刹有難思佛。

一一佛處衆會中我見恒演菩提行。

願於一切時恒作利益衆生事業。無空過故。亦各三業不空願。鈔第六我於下二偈明利益願。彼第九也。疏三業不空者。彼經總相標云。願乘不退輪。內不退中念不退也。行菩薩行。身語意業悉不唐捐。△前偈修福智等爲不空因。獲無盡藏是不空果。○鈔前偈。至不空果者。此一偈中。二句是因。一句是果。△謂暫見身則必定佛法。暫聞音聲則得實智慧。纔生淨信則永斷煩惱。△得如大藥王樹身得如如意寶身。各功德藏。○鈔謂暫見身至如意寶身者。除謂一字。

全是彼經文也。論科爲二。一從見身至斷煩惱。各作業不空。二業能安樂故。謂見身行。知佛法真實故。云必定。聞口說法。能生智慧。念意實德。諸惑不生。此但增勝而說。三業成益不同。實則互有。二謂得如大下。各利益不空。二喻皆喻拔苦也。一切衆生有二種苦。一種種諸苦。謂逼迫等。若身若心。藥王治之。出現品云。譬如雪山有藥王樹。名曰善見。若有見者。眼得清淨。若有聞者。耳得清淨。若有嗅者。鼻得清淨。若有嘗者。舌得清淨。若有觸者。身得清淨。若有衆生。取彼地土。亦能爲作除病利益。佛子。如來應正等覺。無上

藥王亦復如是。能作一切。饒益衆生。若有得見。如來色身。眼得清淨。若有得聞。如來名號。耳得清淨。若有得嗅。如來戒香。鼻得清淨。若有得嘗。如來法味。舌得清淨。具廣長舌。解語言法。若有得觸。如來光者。身得清淨。究竟獲得無上法身。若於如來生憶念者。則得念佛三昧。清淨。若有衆生。供養如來。所經土地。及塔廟者。亦具善根。滅除一切諸煩惱患。得賢聖樂。佛子。我今告汝。設有衆生。見聞於佛業障。纏覆不生信樂。亦種善根。無空過者。乃至究竟。入於涅槃也。二貧窮苦。世財法財。如意治之。言得如意寶身者。此卽出現。

品明十身相中第十相。名如如意寶身。故彼經云。復次佛子。譬如大海有大如意摩尼寶王。名一切世間莊嚴藏。具足成就百萬功德。隨所住處。令諸衆生。災患消除。所願滿足。然此如意摩尼寶王。非少福衆生所能得見。如來身如意寶王。亦復如是。名爲能令一切衆生。皆悉歡喜。若有見身。聞名。讚德。悉令永離生死苦患。假使一切世界一切衆生。一時等心。欲見如來。悉令得見。所願皆滿。佛子。佛身非是少福衆生所能得見。唯除如來自在神力。所應調伏。若有衆生。因見佛身。便種善根。乃至成熟。爲成熟故。乃至得見如

來身耳。佛子是爲如來身第十相。卽兼前如大藥王樹身並喻佛身以塵沙功德積集成故名功德藏。論主對前安樂此爲利益故作此釋也。實則藥王喻三業捨惡離苦。如意喻三業進善得樂。疏名功德藏者。疏和上經文結成此經獲諸無盡功德藏之句也。△後偈利益時處。謂徧於時處求能益法利衆生故。△十地經云。願乘不退輪修菩薩行。令見諸佛演菩提行。卽乘教誡輪修菩薩行故。

△七轉法輪願。

普盡十方諸利海。一毛端三世海佛海及與國土海。

我徧修行經劫海。一切如來語清淨。一言具衆音聲海。隨諸衆生意樂音。一流佛辯才海。二世一切諸如來。於彼無盡語言海。怕轉理趣妙法輪。我深智力普能入。亦名攝法上首願。謂轉佛法輪願皆攝取而轉授故。○鈔第七普盡下三偈轉法輪願。彼第三願也。△文中初偈轉法輪處。若據有修行之言者。合屬前段爲修行處。△前已有處。此中晉譯及與善本皆無修行。故屬此段。○鈔轉法輪處者。彼經有四節。一轉處。二轉時。三攝法方便。四轉法頓周。今卽初也。彼經云。願一切世界佛典於世。佛應現之世界則是轉法輪處。

疏若據有修行至故屬此段者通伏難也。難云此偈雖標刹海而結云我遍修行應屬前段云何判屬法輪願中通釋如疏也。△次一偈能轉圓音。○鈔次一偈能轉圓音者如香山國師通敘十解。一云如來在日。一音演暢隨類解生。二云或以隨一方之音皆謂世尊同其已語。三或云唯出隨根一音聞者各聞稱根別法。四或云唯出隨法一音聞者各得所聞別法。五或云於佛胸中有淨大種。功德最勝能發清淨梵音聲相。六或云有一無心之音若佛有心其音卽定。不能遍應一切衆音如凡夫等。以佛無心定出一音。

故能普應一切衆音其猶谷響及衆樂器但有心者出種種聲。七或云唯一圓遍之音都無宮商平上之異。增上緣力隨感成多其猶滿月流影非一。八或云佛有衆多音聲一切衆生所有言音莫非如來法輪聲攝但以無礙一卽一切一切卽一。故大經云一切衆生語言法。一音演說盡無餘。九大師云言一音者乃無音也。有卽非一。諸有體法皆非一故。由佛無音。乃曰一音。佛若有音。有音已定何能應一切音耶。良爲無音故能隨感出種種音。如鐘聲等隨擊大小。佛音自一聽者聞多。隨類各自心現故。無有自心親

天心

取他境經說自心還取自心處處皆說唯有義故以此無音之音普應皆一色聲功能於理無違十又一音即一切音一切音即一音若非一即一切者佛演一音衆生不能各各領解又若非一切即一音者如來一音即不能普備也良以一多相即故佛演一音即普備也一切衆生皆有領解△次二句轉法輪時第十一一句所轉法輪末後一句能攝方便○鈔次二句轉時者文有三世之言故判爲時意在會地經第三節彼經即以入相成道爲轉法輪時疏能攝方便者彼經第三節也彼於入相文次後云皆悉往詣

親近供養爲衆上首受行正法釋曰供養則集功德方便上首下則集智慧方便此二助菩提法故云方便也今云我深智力普能入正同彼也普入即皆悉往詣也若不以深智即不能悉往普入故云深智力也

△八淨土願

我能深入於未來盡一切劫爲一念三世所有一切劫爲一念際我皆入我於一念見三世所有一切人師子亦常入佛境界中如幻解脫及威力

願清淨自土安立正法及能修行諸衆生○鈔第八

我能下二偈淨土願彼第七也。疏文分二。先標釋願名。後隨文配釋。前中又二。先正釋願名。後會通具闕。今初文中。由有清淨自土等言。此須明三土。今依諸論畧釋各義。於中有二。先釋總名。後明差別。初中總言淨土者。世界皎潔名淨。即淨可居名土。又體離障染名淨。依止義邊名土。言差別者。通論淨土有其三種。一常寂光土。二常受用土。三常變化土。言常寂光土者。亦名法性土。即法身佛所依土也。普賢觀經云。釋迦牟尼佛。名毘盧遮那。其佛住處。號常寂光。謂法界真理不生不滅。故名常。無相無爲。故名寂。性離垢

染。體常明。昭故名光。依止義邊名之爲土。故名常寂光土。問。法身如來。遍一切處。何有所依土耶。答。唯識論云。雖此身土體無差別。而屬佛法相性異。故此但約義強分。以法界理有二種義。一者覺昭義。即名爲佛。二者與塵沙萬德爲依止義。即名爲土。屬佛之處。相義名身。謂實相之相也。屬法之處。性義名土。即自性身。假分身土也。二常受用土者。有二。一自受用。二他受用。言自受用者。謂大圓鏡智淨識所現。周圍無際。衆寶莊嚴。自受用身常依而住。名自受用土。問。何以鏡智現此土耶。答。以因中有漏。第八識能變山河

大地器世間等佛位無漏轉成大圓鏡智還能變起
自受用土與自受用佛爲依止故云鏡智所現也言
他受用土者由平等性智爲他所變或小或大展轉
精嚴他受用身依止而住問由平等性智現他受土
者何故佛地論說鏡智所現耶彼論云諸佛爲令地
上菩薩受大法樂精進修行於後得智以大悲心鏡
智相應淨識之上依菩薩業力如來與作增上緣隨
其根宜現清淨土改轉不定據此卽由鏡智所現卽
二論相違也答定不相違所以然者謂他受用佛身
之與土皆是無垢第八識自證分中實定果色種子

生起蓋以平等性智起大悲心擊發圓鏡智中無漏
定果色種子而起十重他受用身土亦須由菩薩善
業力感佛現身如來與作增上緣變起身土令十地
菩薩受用卽二論竝不相違也言變化土者由成事
智大悲願力爲未登地菩薩二乘異生所變或淨或
穢大小不同三類化身依之而住問何故化土有淨
穢耶答此有二說一由佛本願二由生感變由佛願
者如阿彌陀佛往昔曾爲轉輪聖王名無諍念於寶
藏佛所發菩提心願取淨土利樂有情今旣果滿亦
現淨土釋迦牟尼如來時爲大臣名曰寶海願攝穢

土成熟有情。故今果中亦處穢土。言由生感變者。由生心淨感變淨土。故淨名云。欲得淨土。當淨其心等。由生心濁。故感變穢土。如釋迦本願。十方佛土。所不容受惡業。衆生悉生我國。又心垢。故衆生垢。心淨。故衆生淨。卽其義也。餘義極多。緣疏文窄。不敢繁敘也。疏言清淨自土者。卽自受用土。如淨名云。欲得淨土。當淨其心等也。安立下。卽他受用土。如淨名云。直心是菩薩淨土。菩薩成佛時。不諂衆生。來生其國等也。△畧無淨土之言。以影在後段故。△而具淨土七種淨義。○鈔七種淨義者。論判彼淨土願中。爲七種淨。

今疏全依。但次第少差耳。亦不須會之。△初偈卽同體淨。以同法性。故令一多互相卽入。○鈔同體淨至卽入者。彼經云。願一切國土。入一國土。一國土。入一切國土。彼釋全是此疏文也。旣同法性。性則融之。故使一多相卽相入。相卽者。約體以明。一卽一切。一切卽一。則諸法相卽自在門也。相入者。約用以明。一入一切。一切入一。則一多相容不同門也。疏卽入二字。以攝十玄門之一門也。言十玄門者。準清涼國師四十二策問中具。以法喻明之。問云。竊聞華嚴深義。謂之十玄。請列其名。畧申其義。答云。十表無盡。一一造

玄隨舉一法卽具斯十。謂一同時具足相應門。如大海一滴含百川味。二廣狹自在無礙門。如徑尺之鏡見千里之影。三一多相容不同門。若一室千燈光。光涉入四諸法。相卽自在門。如金與金色。二不相離。五秘密隱顯俱成門。如片月澄空。晦明相竝。六微細相容安立門。如瑠璃瓶盛多芥子。七因陀羅網境界門。若兩鏡互照。傳耀相寫。遍出無窮。八託事顯法生解門。如立象豎臂。觸目皆道。九十世隔法異成門。如一夕之夢。翔飛百年。十主伴圓明具德門。如北辰所居。衆星同拱。十無前後舉。一全收。斯爲華嚴不共玄旨。

餘義如大疏明。與金師子章具列也。△今文雖辯念劫圓融。意取時中圓融之刹。△二有半偈。明自在淨。如摩尼珠。美惡斯現。自在圓通。△是故文云。於一念見。舉其佛者。顯是佛土。○鈔自在淨者。彼經云。無量佛土。普皆清淨。彼釋全同此疏。但加淨穢圓通。故云普皆疏。舉其佛者。人師子卽佛也。佛是人中之師子。故△三有一句。亦常入佛境界中者。卽是因淨。○鈔因淨者。彼經云。普入廣大諸佛境界。彼釋亦同此疏也。△因有二種。一者生因。謂六度等。如淨名說。○鈔謂六度等。如淨名說者。卽佛國品初標云。寶積衆生。

之類是菩薩佛土。所以者何。菩薩隨所化衆生而取佛土。乃至云布施是菩薩淨土。菩薩成佛時。一切能捨衆生來生其國。一也。持戒是菩薩淨土。菩薩成佛時行十善道。滿願衆生來生其國。二也。忍辱是菩薩淨土。菩薩成佛時。三十二相莊嚴衆生來生其國。三也。精進是菩薩淨土。菩薩成佛時。勤修一切功德。衆生來生其國。四也。禪定是菩薩淨土。菩薩成佛時。攝心不亂。衆生來生其國。五也。智慧是菩薩淨土。菩薩成佛時。正定衆生來生其國。六也。△二者依因。此復有二。一鏡智淨識爲土所依。二後智通慧爲土所依。

○鈔鏡智淨識爲土所依者。總論佛智有其四種。一大圓鏡智。二平等性智。三妙觀察智。四成所作智。問何名大圓鏡智。答從喻爲名。謂此智性淨圓明。能鑒照萬物。故名大圓鏡智。卽一切有情心行差別品類各異。及菩薩影像三世諸佛之影像。乃至五趣影像。若事若理。及有爲無爲。萬德無不朗鑒。悉於中現。故名大圓鏡智。卽猶如大圓鏡。能照萬物也。故唯識論云。大圓鏡智相應心品。純淨圓德。現種依持。能現能生。身土智影。無間無斷。窮未來際。如大圓鏡。現衆色像。通持業及分取他名。有財二釋也。言平等性智者。

平謂均平等。卽齊等。謂緣一切境時。自他平等。以第七識在因位時。執我執法。有高有下。起不平等。今成無漏。二執已除。自他平等。卽約境得名也。故唯識論云。二平等性智相應心品。謂此心品觀一切法。自他有情悉皆平等也。言妙觀察智者。謂神用無方。稱之爲妙。具緣諸法。自相共相等名。爲觀察。決斷無礙。名之爲智。謂此心品現通朗鑒。說法利樂。故名妙觀察智。卽從用得名也。故唯識論云。妙觀察智相應心品。謂此心品善觀諸法。自相共相無礙。而轉於大眾會。能現無邊作用。差別皆得自在。兩大法雨。斷一切疑。

網。令諸有情皆獲利樂也。言成所作智者。亦名成事智。謂能成辦所作利樂有情之事。各成所作智。卽從境及用得名也。故唯識論云。成所作智相應心品。謂此心品爲欲利樂諸有情。故普於十方示現種種變化。三業成本願力所應作事也。此之四智。唯佛具有。轉八識而成。卽轉第八識成大圓鏡智。轉第七識成平等性智。轉第六識成妙觀察智。轉前五識成所作智。問。既有八識。如何轉成四智等。答。理實合轉成八智。以前五名同。故但立四。開亦無失。皆是決斷爲義。總取別境慧及同時意。二十一法爲體也。問。八識

是心王慧是心所如何轉心王却爲心所耶。答言轉者但轉心所中慧成智非轉識體也。謂因中識強智劣但言入識卽攝諸心所皆在其中。若至果中卽智強識劣但言四智卽總攝八識皆在其中也。卽各轉自識相應之慧也。問若因中前七識有相應慧至果可言轉。第八旣因中無至果如何轉。答第八因中雖無有漏慧相應。至果卽從無漏鏡智種子中生現行亦無過失也。因疏中云鏡智淨識爲土所依鏡智卽四智中大圓鏡智因茲畧釋四智也。此疏中言鏡智淨識爲土所依者唯識論云大圓鏡智相應心品謂

此心品離諸分別。所緣行相微細難知。不忘不愚。一切境相。性相清淨。離諸障染。純淨圓明。現種依持。能現能生。身土智影。無間無斷。窮未來際。如大圓鏡。現衆色像。言離諸分別者。準佛地論云。離我我所。執一切所取。能取分別。所緣行相微細難知者。說境及行相二皆叵測微細。不忘者。怕現前義。由此故。如來成就不無忘失法。不愚者。不迷昧義。由此故。如來各一切種智及一切種妙智。性相清淨者。自性增明。各性相清淨。純淨圓明者。無雜名純。離過名淨。圓者滿也。又純簡因中劣無漏。淨簡一切有漏。圓簡二乘無學功

德。現種依持者與純淨等現行功德作所依止。起功德故。與純淨等種子作能持。持功能種故。能現能生。身土智影者。卽能現身土三智之影。無間無斷。盡未來際者。於一切時能現一切處影。故不斷絕。於一身上現一切影也。如大圓鏡現衆色像者。佛地經云。如來圓鏡衆像影現。依佛智鏡諸處境現。衆像影現皆平等故。故以爲喻。今言爲土所依者。卽說鏡智淨識與現行功德爲依止也。據此且約攝境從心明受用。變化二土所依。若攝相歸性。卽須以真如爲所依也。言後智通慧等者。後智卽後得智也。簡非根本智也。

以根本智唯內證故。若現身現土皆是後得智也。然此通說三土所依。雖身上種子在第八識中。而現身現土要假諸智爲能擊發。自受用土鏡智後得。他受用土平等後得。變化土者卽成所作。此唯後得。各由後智擊發鏡智淨識內種子。發生現行故也。言通慧者卽神通智慧也。依此通慧現身現土。故以此爲身土所依。佛地唯識據本末說別。佛地論中三土皆從鏡智現。唯識論中諸智不同。若作此和會卽不相異也。△此二皆是諸佛境界。△又境界者卽是相淨。謂七珍等。△第八一句攝於三淨。△謂四以如幻二字。

卽是果淨果亦有二△一所生果卽是相淨畧在境界廣則影在後承事中△二示現果臨機示現故云如幻△五解脫威力卽受用淨謂受用淨土離過成德如用香飯得三昧等今解脫煩惱卽是離過道力之能卽是成德○鈔如用香飯得三昧等者淨名經香積品因日時欲至舍利弗念食時維摩詰令化菩薩往衆香國香積如來所取佛所食之餘來維摩詰告舍利弗_云大衆食已至菩薩行品維摩詰文殊及諸大衆共詣佛所阿難聞諸菩薩毛孔之香問佛佛語阿難從衆香國取食食者一切毛孔皆香若此

阿難問維摩詰香氣久如維摩詰言若聲聞人未入正位食此飯者得入正位然後乃消乃至得無生忍一生補處等釋曰入正位得無生忍等卽三昧也△故十地經云成就清淨道△六梵本此句無及威力字有眷屬字卽住處衆生淨人寶爲嚴故○鈔無及威字有眷屬字者此句應云如幻解脫眷屬力故判爲住處衆生淨也△七者相淨已如前說○鈔相淨已如前說者卽第三因淨句中指境界二字爲相淨也。

△九承事願。

於一手端極微中出現三世莊嚴刹十方塵刹諸毛端我皆深入而嚴淨。所有未來炤世燈成道轉法悟群有究竟佛事示涅槃。我皆往請而親近。

願往諸佛土常見諸佛。恒時敬事聽受法故。鈔第九於一毛下二偈承事願。彼第六也。第八句爲總。餘皆是別。鈔第八句爲總者。往請親近。正是承事故。初之一偈卽承事處。初二句通是真實義相。互相涉入如帝網故。鈔真實義相者。彼經有三種相。一一切相。二真實義相。三無量相。今卽第二也。彼經云如帝網差別。釋云。王土同體不守自性互相涉

入故名真實。△就中三世莊嚴刹卽一切相。淨土體相有差別故。鈔就中至差別故者。就上兩句中取不守自性爲一切相淨也。彼經云廣大無量麤細亂住倒住正住若入若行若去。彼釋後三句云。入者攝他入已。去則遍於他中行。則往來不住。△第三句卽無量相。謂前二相遍十方故。鈔第三句卽無量相者。彼經云十方無量種種不同。彼引菩薩藏經云。虛空中世界重數多於大千。所有微塵。但由業力不相障礙。一處重重尚爾。況復橫周。△其第四句。辯能知見。故地經云。智皆明了。現前知見。明爲智知。非識境。

故。○鈔辯能知見者以彼科為兩段。一所知。即前三種相。二能知。即此所引兩句是也。彼釋云。真實義相。但可智知。餘一切相可現眼見。△梵本云。我甚深入莊嚴刹。△深入有二。一智深入。二身深入。△又彼莊嚴刹中承事如來非嚴淨彼。△若去而字下加刹字。理無違矣。○鈔若去而字下加刹字者。此句應云。我皆深入嚴淨刹也。△第五一句所承事佛。所有佛故。△六七二句即承事時入相故。△地經中但列土相。殊闕此經。

△十成正覺願。

速疾周徧神通力。普門徧入大乘法。智行普修功德力。威神普覆大慈力。徧淨莊嚴勝福力。無著無依智慧力。定慧方便諸威力。普能積集菩提力。清淨一切善業力。摧滅一切煩惱力。降伏一切諸魔力。圓滿普賢諸行力。願與一切衆生同時皆得無上菩提。怕作佛事故。△文有十二力。△前九明業用。後三結因成果。前中九句。有其七業。前之六句力字居中。○鈔第十速疾周徧下三偈成正覺願。彼亦第十也。文分為二。先標釋願各。二隨文配釋。於中二先標舉科。二依次解釋。於中有二。先明業用。後結因成果。初中又二。先標指料。

簡後隨文解釋。今初疏有七業者。以彼經有兩段。一
成菩提體。卽自分已圓。經云於一切世界成阿耨多
羅三藐三菩提。二作業。卽運他不息。支有七業。今疏
全依彼。但不次耳。故云有其七業也。次第不同。亦不
須會。力字居中者。以隨義便。且回經文釋之。令顯。如
初應云神通力速疾周徧。意云由神力故得速遍。力
字在中義則易見。下五句準知。△初一句卽自在業。
以神通力普周徧故。○鈔自在業者。彼經云。以法智
通神足通幻通自在變化充滿一切法界。△二一句
示正覺業。△不離一毛端處而於一切處入相成道。

故名普門。○鈔示正覺業至入相成道者。彼經云。不
離一毛端處於一切毛端處。悉皆示現初生出家往
詣道場。成正覺轉法輪入涅槃。一切諸佛示化門中。
多現八相。但各目前後稍別。義意大同。或一昇天相。
二降母胎。三初生。四出家。五破魔。六成正覺。七轉法
輪。八入涅槃相。此是大莊嚴經中說也。一昇天相者。
一切諸佛將欲示生說法利物。皆須先往兜率天。於
彼天中壽四千歲。爲十種自在業。一爲欲界諸天子
說獸離法。二爲色界諸天說入出諸禪解脫三昧。三
入三昧各光明莊嚴常照三千隨機說法衆生聞已。

生兜率天勤發覺心。乃至第十說無量無邊如幻法門。遍十方界。示現種種形儀事業。隨機令喜。又爲成熟彼天同行天故。令其聞法發菩提心。是昇天相也。二降母胎者。四千年滿。將欲下生。現十種事。一足下放安樂。莊嚴光普。炤惡趣遇者。獲安。皆知菩薩將欲出宮。二者毫相中放覺。悟普炤光普。炤宿世同行菩薩。令知下生各典供養。乃至第十於隨好中放日明莊嚴光。示現菩薩種種諸業。菩薩如是放百萬阿僧祇光明。已從兜率天。没下生人間。十方菩薩咨嗟相送。化作白象降神母胎。如大經說處母胎時住離垢

藏三昧。以三昧力於母胎中現大宮殿。種種莊嚴。兜率天宮不可爲比。而令母胎安隱無患。菩薩放光如明鏡中見其面像也。三初生者。先辯初生時。後明童子時。如大莊嚴經說菩薩處胎。滿足十月。將欲生時。王宮先現三十二瑞。爾時聖后以菩薩力。知欲誕生。初夜詣王。說自所願。我今欲往龍毘尼園。節物芳春。林木榮茂。堪可遊翫。願王排比。王聞卽許。嚴妙寶輦。莊嚴園內。廣備受用。令稱所須。龍天歌讚。四兵防衛。與衆婁女。同至園中。見波叉樹。蓊鬱敷榮。衆寶嚴持。妙香芬馥。百千諸天。伎樂圍繞。卽以右手攀樹東枝。

頓呻欠吐。欲天扶持。梵釋捧承。卽於右脇安庠而誕。如涅槃說於十方。面各行七步。步步生華。垂光普照。地六震動。唱言我於一切最爲尊貴。釋梵諸天。咸來親奉。又現微笑。放百千光。事畢還宮。父王歡喜。多令姪女給侍承奉。後明童子時。如無量壽經說。又現習學書計。算數聲明。伎巧醫方。養生符印。及餘博戲。擅美過人。如莊嚴等說。父王令於頰順那邊學書算等。太子發問。彼不能酬。乃至與難陀調達。擲象射鼓。及餘博戲。無能及者。與執仗大臣等。一一比試。無不過人。廣如本行莊嚴等說。此初生竟。四明出家中。先明

出家緣。後正明出家。且初謂如悉達。太子年十七時。父王爲納三妃。一耶輸陀羅。二瞿夷。三瞿比迦。并嬪姝八萬人。菩薩見諸姝女。如白骨宮殿。如丘塚塌。後因四門遊觀。見老病死。悟世非常。捐捨國位。踰城學道。下正明出家者。菩薩將欲出家。先以七夢令父王知。耶輸夢中。見二十種可畏之事。菩薩得不忘念。自憶阿私陁仙。當相我時。言若作輪王。王四天下。出家爲道。作三界尊。菩薩自思煩惱曠野。生死河中。若不修行。終難出離。於衆睡後。卽呼車匿。被馬去來。車匿聞之。徬徨不已。諸天催促。帝釋開門。四王捧足。釋梵

引路。光昭無邊。遇者解脫。漸去宮遠。詣大仙林。諸女
 覺來。不見太子。悲號悶絕。水洒乃甦。即奏王知。聞已
 大怒。何不謹之。失我愛子。即遣五族大臣各令一子
 尋之。承事。尋之不獲。山中而住。菩薩即詣二仙。學求
 真道。彼仙被問。墮質歸成。取劍自落。紺髮。以衣貿易
 架柴。遣車匿將馬。却回。令白父王。知委。然後六年。苦
 行。為破邪見。制伏多心。為降外道。常為諸天龍鬼神
 供養。令十二洛叉天人住三乘路。廣如經說。五破魔
 六成道。此二相如下。究竟果中。明七轉法輪。八入涅槃。
 此二相如前勸請。隨喜中。已明也。以八相異教文

成經
是

繁廣。今緣疏中。舉著故畧明之。△合云。以大乘。力徧
 普門。謂大乘。稱理。互相。即入。而普徧。故△三次。三句
 即說實諦業。謂說實諦。令物悟。故△文中。通舉說德
 及益。謂一。以智。行力。內滿。功德。二。以大慈。力。普覆。而
 說。△故梵本云。以智。行力。功德。滿。以。大慈。力。覆。一切。
 △後句。以福。德。力。徧。清淨。即是。自他。離障。亦說之。益。
 ○鈔說實諦業。至亦說之。益者。以彼。經此。一業。中文
 有兩段。一。明能說。經云。得佛境界。大智慧力。念念隨
 衆生心。示現成佛。二。明說益。經云。令得寂滅。故此云
 通舉說德及益。意配彼文。全備也。說德者。即彼能說。

此中初句卽彼佛境界智力。次句卽彼隨機示現成佛。後句疏云。自他離障卽彼令得寂滅之意也。△四以第六句卽證教化業。說自所證以化物故。△謂以菩提智契涅槃理。故無所依。○鈔證教化業至無所依者。彼經云。以一三菩提知一切法界卽涅槃相。釋云。以一極無二之菩提契無差別之性淨涅槃。則不復更滅。說此令物生信。各教化業也。今云智慧力卽彼一三菩提。云無著無依。卽彼涅槃相。△梵本云。以智慧力無所依。△五一句種種說法業。具足定慧方便等故。○鈔種種說法業者。彼經云。以一音說法令

一切衆生心皆歡喜。卽定慧方便也。△六一句不斷佛種業。積集菩提佛種豈斷。○鈔不斷佛種業者。彼經云。示入涅槃而不斷菩薩行。△七一。句法輪復住業。依大智慧能淨一切諸善根故。○鈔法輪復住業者。彼經云。示大智慧地。安立一切法。釋曰。唯一事實卽是佛智。能生萬物。故名爲地。而智慧門隨機萬差。各安立一切。前卽涅槃能建大事。此卽於一佛乘分別說三。對實施權。故名復住。△後三句。結因成果。△由內伏煩惱。外降諸魔。普賢行圓。故成菩提。△亦可後三復爲三業。以成圓十。八摧滅煩惱業。九降伏魔

究竟十普圓滿因業。上已別說十願竟。

△二總結大願。二一總結十願。

普能嚴淨諸刹海。解脫一切衆生海。善能分別諸法海。能甚深入智慧海。普能清淨諸行海。圓滿一切諸願海。親近供養諸佛海。修行無倦經劫海。三世一切諸如來。最勝菩提諸行願。我皆供養圓滿修。以普賢行悟菩提。前之八海結前九願。△謂一淨土願。二成熟衆生願。三轉法輪願。四受持願。五修行二利願。六利益願。由願圓故。七有二願親近二字。卽承事願。供養二字。卽供養願。諸佛海言通上二願。八卽不離願。同志行故。

長時無倦。鈔不離至無倦者。若離同見同志法緣眷屬修行卽狀倦也。△後之一偈成正覺願。以三世因圓。正覺果滿故。△二結歸二聖。及攝所餘。△歸二聖者。謂普賢文殊彰行所屬。亦卽十成普賢行名法門主故。△言攝所餘者。謂餘不說一切大願。是故文云一切願海。△卽同地經如是無量百千萬億阿僧祇大願。

△文二。一偏同普賢。

一切如來有長子。彼名號曰普賢尊。△我今回向諸善根。△願諸智行悉同彼。△願身口意恒清淨。△諸行刹

士亦復然。△如是智慧號普賢。願我與彼皆同等。

△偏同普賢也。所以同者。普賢行故。稱法界故。△言長子者。最尊勝故。△出現品亦云。誰是如來法長子故。○鈔出現品云。長子者。即此品初。如來放出現光。遶世界已入。如來性起。妙德菩薩頂。便請出現之法。末偈云。誰是大仙深境界。而能真實具開演。誰是如來法長子。世間尊導。願顯示。△若表法界者。既表法界。先萬物生。無過此故。△如有偈云。普賢真身徧法界。能為世間自在主。無始無終無生滅。性相常住等虛空。△既無有始。即是長義。不捨因行。故為佛子。○

既疑是即

鈔既表法界。至故為佛子者。三聖觀中。先明二聖。二重表法。初重普賢表所信法界。即能生如來藏。此是緣起法界。非直指一真法界也。以真法界。但是根本於真界中。就能起諸法義邊。為普賢。能照法界義邊。為文殊。其所信法界。帶能所故。亦屬緣起。第二重理智契合者。即會緣釋歸一真法界也。故諸法相生。于差萬別。莫不皆在能生普賢之後。故知能生之主。最初全以真界為體。以合體故。生即無生。由是下偈云。遍法界為世間主。無始無終等。此偈即金剛瑜伽頂經偈也。所遍即一真法界也。能遍即普賢也。世間即

一切緣起諸法也。主卽最初能生也。無始終者全同真界也。△但云同等非但無量阿僧祇願。如法界量無盡願行皆悉願同。

△二雙同二聖。

我爲徧淨普賢行文殊師利諸大願。滿彼事業盡無餘。未來際劫恒無倦。△我所修行無有量。△獲得無量諸功德。安住無量諸行中。了達一切神通力。△文殊師利勇猛智。普賢慧行亦復然。△我今回向諸善根。隨彼一切常修學。

雙同二聖也。△文殊表解。解發願故。普賢表行。解起

行故。故願與行分屬二聖。理實皆通。△又表理智一相契合。△行願相扶所以雙同。○鈔故願與行分屬二聖者。此意以解爲願而對行也。餘表法等義兼前段。普賢等義廣如歸敬請加中具明。

△三結歸回向。

三世諸佛所稱歎。如是最勝諸大願。我今回向諸善根。爲得普賢殊勝行。

上來諸願皆屬回向。彌顯三段皆屬回向。

△二頌願生淨土。

願我臨欲命終時。盡除一切諸障礙。△面見彼佛阿彌

隨卽得往生安樂刹。△我旣往生彼國已現前成就此大願。一切圓滿盡無餘。△利樂一切衆生界。△彼佛衆會咸清淨我時於勝蓮華生。△親覩如來無量光現前授我菩提記。△蒙彼如來授記已化身無數百俱胝智力廣大徧十方。普利一切衆生界。

△全同長行顯經勝德轉生之益。△此今起願彼約說益爲意不同。△然準典善三藏所譯從文殊師利勇猛智下兼此四竝在顯經勝德之末。末後三偈之前。卽頌長行。△則此下十二偈皆頌顯經勝德。應分爲四。初五偈頌生淨土。次二偈頌校量聞經功德。次

四偈頌通顯五果。後一偈頌究竟果。○鈔應分爲四者且依興善科之。以順重頌長行成顯經勝德之段。故如此科。至鋪文處卽不用之。△卽應改於願我二字爲是人二字則無惑矣。△今且依文。文則可知。△不生華藏而生極樂畧有四意。一有緣故。二欲使衆生歸憑情一故。三不離華藏故。四卽本師故。○鈔畧有四意者。一彌陀願重徧接娑婆界人。二但聞十方皆妙此彼融通初心忙忙無所依託故方便引之。三極樂去此但有十萬億佛土華藏中所有佛刹皆微塵數。故不離也。如大疏說華藏世界底布風輪須彌

塵數。普光摩尼海中出大蓮華。各種種光明蕊香幢。不言其數。安測其量。華藏刹海處在蓮臺。臺面純以金剛爲座。四周輪圍金剛雜寶。有十不可說佛刹微塵數香水海。列在其中。如天帝網安布而住。一一香水海各以四天下微塵數香水。河右旋圍繞。一海一種。種所持刹各有不可說佛刹塵數。自下而上。列二十重。一一相去各有佛刹塵數之刹。一一種刹各有刹繞。如經所引重數繞數漸增。準其一刹各有十刹微塵之刹而爲圍繞。各攝眷屬橫豎交絡。一一相當。遙相連接成世界網。故知阿彌陀佛國不離華藏

界中也。四卽此第二十九偈讚品云。或有見佛無量壽觀自在等共圍繞。乃至賢首如來阿閼釋迦等。彼並判云。讚本尊遮那之德也。

△二總頌結十門無盡。其五等十門無盡。乃至虛空世界盡。衆生及業煩惱盡。如是一切無盡時。我願究竟恒無盡。

總頌十門總結無盡也。亦別屬十願十無盡句。○鈔亦別屬十願十無盡句者。具如禮敬諸佛門中所引。今將此偈正則總結十門。亦兼同十無盡句以結回。向一門中之十願也。以偈文如世界之言不全依長。

行。長行但有虛空煩惱及業等三故。此總別皆取也。

△二頌顯經勝德。二。一頌校量聞經益。

十方所有無邊刹莊嚴衆寶供如來最勝安樂施天人經一切刹微塵劫。若人於此勝願王。一經於耳能生信求勝菩提心。渴仰獲勝功德過於彼。

△二通頌顯衆行益。長行有三。一。通明五果。二。別明淨土果。三。究竟成佛果。其生淨土在前願中。但頌初後文。二。通頌五果。

卽常遠離惡知識。永離一切諸惡道。速見如來無量光。具此普賢最勝願。此人善得勝壽命。此人善來人中生。

此人不久當成就。如彼普賢菩薩行。往昔由無智慧力。所造極惡五無間。誦此普賢大願王。一念速疾皆消滅。族姓種類及容色。相好智慧咸圓滿。諸魔外道不能摧。堪爲三界所應供。

初偈增上果。次偈等流果。次偈離繫果。次半偈異熟果。後半偈士用果。○鈔惡知識者。如涅槃經德王品云。菩薩摩訶薩觀於惡象及惡知識等。無有二。何以故。俱壞身故。菩薩摩訶薩於惡象等心無恐怖。於惡知識生畏懼心。何以故。是惡象等唯能壞身。不能壞心。惡知識者。二俱壞故。是惡象等唯壞一身。惡知識

者壞無量善身無量善心是惡象等唯能破壞不淨
臭身惡知識者能壞淨身及以淨心是惡象等能壞
肉身惡知識者壞於法身為惡象等殺不至三惡趣
為惡友殺必至三惡趣是惡象等但為身怨惡知識
者為善法怨是故菩薩當遠離諸惡知識也言無
量光者即阿彌陀佛名也言無量者超諸數量謂一
一光各有眷屬一一眷屬有若干色不可數量也十
六觀經云無量壽佛有八萬四千相一一相各有八
萬四千隨形好一一好復有八萬四千光明一一光
明遍照十方世界念佛衆生攝取不捨又阿彌陀經

云彼佛光明無量照十方國無所障礙是故號為阿
彌陀此皆由彼國中大願之所致也無量壽經云若
我成佛光明有限下至不照億那由他百千及等數
佛刹者不取菩提而諸佛行化莫先光明可以反愚
成智拔苦與樂不言而化是故願求也是故彼佛復
有異名謂無邊光等即十二光也十二光者無量無
邊無礙無對焰王清淨歡喜智慧難思不斷無稱超
日月等二明等流果者此人善得勝壽命者謂隨前
業力所感異熟一期壽限有短有長謂之壽命此壽
命者若小乘有宗解云謂壽煥識三和合三中壽煥

體是假。命根異。色心外別有實體性。若大乘宗。取第八識種子上。建立命根。不取現行。謂種子是本能生現行。復能持彼。約斯勝義。偏取種子。故唯識論云。然依親生。此識種子。由業所引。差別功能。任持決定。假立命根。言依親生者。簡業種也。彼非親故。但依親生本識內三分。因緣各言種上立。不依能感業。增上緣種立。謂業種既疎爲緣。非親生種。無力連持。故非命根體也。言生者。簡餘不生現行之因緣種子。彼未生現。非命根體。此者。簡餘識也。識者。簡彼相應五心所法。種子者。簡此識現行。劣於種子故。以現行雖以能

持種子。然不能生於種子。故不依現行而立命根也。然此種子有二功能。一謂總功能。爲能生現行用。此用是實。貫通諸法。種子上皆有此用。故名總也。二差別功能。爲能連持色心。不令斷絕。以此連持。唯此有之名。差別功能。若命根唯依別功能上立。不其餘故。體卽是假有。此所以唯約別功能立也。此中意說。依普賢行願。修行者。各隨前業。住壽短長。盡一報之身。修習勝行。不虛度時。名勝壽命。則反顯縱恣不善。二業之者。靡惡不爲。不任調伏。設住世間。報命經劫。轉使惡。因彌廣。苦果無窮。善滅惡增。非勝壽命。故法句

經云人壽百歲慳貪逾盛不如一日割捨財色人壽百歲樂不持戒不如一日淨心守戒人壽百歲多忿不忍不如一日含喜不瞋人壽百歲怠惰不勤不如一日策勵身心人壽百歲拙禦身心不如一日巧便運致人壽百歲常懷怯弱不如一日勇猛慧力人壽百歲不起善願不如一日發行四弘人壽百歲不生一智不如一日慧性聰利釋曰百年縱恣過罪逾深一日修持便獲大益所以不如也

△二頌究竟果

速詣菩提大樹王坐已降伏諸魔衆成等正覺轉法輪

普利一切諸含識

鈔後究竟果者速詣菩提大樹王等者謂諸佛示化臨成正覺時皆坐菩提樹也且如釋迦因中未成佛前苦行六年知不究竟卽思過去諸佛皆詣菩提樹下降伏魔軍成等正覺卽離其處詣尼連河邊將欲剃髮沐浴時優婁頻蠶聚落王名斯那鉢底有十童女昔與五跋陀羅常以麻麥供養菩薩其最小者名曰善生於菩薩苦行之時常以飲食供養八百梵志願資菩薩速成菩提菩薩以知自餓非真道故於無光太子邊換得袈裟至於晨朝入村乞食其聚落神

告善生女汝之所爲清淨人者欲來乞食汝欲供養宜速辦之善生聞已心大歡喜取十牛乳極令精純煮以爲糜欲將供養菩薩知已卽於糜上現吉祥相善生極怪有仙語之若有食此糜者必成正覺卽敷妙座令優多羅女如常先請諸梵志等奉教四望都不見之唯見菩薩却來歸報善生告云此爲最勝我本爲彼宜速請之菩薩受請卽請其座善生歡喜以金鉢盛粥授於菩薩菩薩思惟我食糜已定證菩提此鉢付誰善生自言隨意受用菩薩受已至泥連河置鉢岸上剃髮沐浴諸天以香花遍散河中浴已收

水還天供養善生收髮起窣堵波大備香花而申供養出岸思惟坐何而食龍妃持座湧出供養菩薩坐已取食乳糜身體平復致鉢河中龍收供養帝釋化爲金翅奪將歸天起塔供養經說我佛世尊詣道樹時無量菩薩并諸天衆各各嚴飾菩提之樹或有高顯百千由旬純花所成或純旃檀或純繒絲所成或純珠寶所成或七寶成如是計有八萬四千一一樹下各隨色類敷師子座其座或以純花莊嚴或香或寶或純或雜一一皆願菩薩坐於樹下得無上覺爾時菩薩澡浴身體復食乳糜氣力平全欲往詣十六

功德之地菩提樹下爲欲降伏諸魔怨故以大人相四面而行振動大地出大音聲。足下放光。隨所踐處皆生蓮華。正念向彼菩提之樹直視行時便有無量威儀。時風天雨。天從泥連河至菩提樹周遍掃洒。盡令嚴淨。又雨無量殊勝香花。遍覆其地。三千界內大小諸樹皆悉低垂向菩提樹。大小諸山皆悉低垂向菩提樹。欲天散花。一一花等一俱。盧舍以爲其臺。復現廣路。於路左右。七寶欄楯。量如七多羅樹。衆寶幡蓋處處莊嚴。又化七寶多羅之樹。絡以金繩。繩上皆懸珍鐸明珠。琉璃間廁。其樹兩間有七寶池。金沙遍

布。香水盈滿。四花芬馥。四面寶階。周市莊嚴。迦陵等鳥出和雅音。有八萬四千諸天。姝女以衆香水用洒於路。復有上類散衆天花。一一樹下。復有衆寶妙臺。其上各有八萬四千諸姝女。皆捧寶器。盛衆妙香。復有五千天。諸姝女。奏天妓樂。歌舞頌歎。出和雅音。菩薩其身。普放光明。炤諸佛刹。復有無量百千諸天。奏天妓樂於虛空中。雨衆天花。又雨無量百千天妙衣服。復有無量象馬牛等。圍繞菩薩。發聲哮吼。其音和暢。無量衆鳥。翱翔圍繞。出和雅音。菩薩徃詣菩提場時。有如是等無量希有吉祥之相。令無邊界有情

皆得安樂。離苦惱等。菩薩爾時放大光明。照無邊界。遇光之者。苦惱皆除。迦利龍王。說偈讚歎。龍妃金光。圍繞供養。既到樹下。復自思惟。往昔諸佛。坐何等座。證成菩提。念昔諸佛。皆坐淨草。時天帝釋。化爲刈草之人。於菩薩邊。持草而立。菩薩徐問。汝名字誰。其人答言。我名吉祥。菩薩心喜。我今必證無上菩提。即以妙音。從乞其草。化人心喜。持以上之。菩薩受已。以手自敷。結跏趺坐。立大誓言。若不成佛。終不起此也。言坐等者。卽降魔相也。菩薩既坐已。思惟欲界。波旬最尊。最勝。應召來此。而降伏之。卽放白毫光。照三千界。

波旬遇已。夢三十二不吉祥事。寤已。心驚告諸臣。佐云。我聞空聲。悉達太子。苦行圓滿。必成菩提。空我境界。如何摧伏。大臣等及其千子。皆共諫之。波旬轉怒。卽召諸女。詣菩薩前。各騁妖姦。欲壞其淨行。菩薩哀念。說偈化之。令諸魔女。皆知欲過。而復報言。汝等有福。今得生天身。不念無常。造諸幻惑。當墮惡道。欲脫甚難。是時諸女。散以天花。右旋菩薩。却歸天上。於波旬所。具述其由。諫波旬言。願不爲患。時白部魔子。名曰導師。啓父王言。菩薩清淨。超過三界。神通道力。無有能當。諸天龍神。咸共稱讚。必非大王所能摧屈。不

須造惡。自招過患。波旬不受。自往遣之。不受輪王。山間獨處。欲望佛道。徒自勞形。菩薩語言。我今坐此。決取菩提。日月墮地。須彌傾倒。寧有是事。我志不移。波旬轉怒。吼聲如雷。喚諸夜叉。率自徒屬。鄙惡醜形。百千異類。或布黑雲。雷電霹靂。或雨砂石。或擎大山。或口吐毒蛇。或身出猛燄。彎弓揮劍。舞稍盤槍。無量億魔軍。廣爲驚怖。菩薩以慈定力。砂石箭鏃。悉變成花。惡龍吐毒。皆爲香氣。波旬執劍。自欲害之。魔子抱而諫之。勿招罪咎。菩提樹神。無量天衆。言詞毀責。讚菩薩德。爾時菩薩語魔王言。我今於此。斷汝怨讐。滅汝

惡業。除汝嫉妬。汝宜回心。生大歡喜。汝以微善。今得天身。我從無量劫來。修習聖道。魔言有何證據。菩薩卽以右手指地。而說偈言。諸物依何得生長。大地能爲平等因。此應與我作證明。汝今當觀如實說。時地神持花鬘。湧現供養。言我能證。菩薩往昔多劫修行。今得菩提。酬前因行也。然我此地。是金剛臍。餘方悉轉。此地不動。作是語已。大千世界。六種震動。搖出大音聲。有十八相。魔衆見已。憤亂身心。顛倒狼籍。縱橫而走。波旬驚怖。悶絕頓躡。有一地神。以水洒之。告言。速去。此有兵衆。欲來害汝。是時魔衆退散而走。降魔

相竟也。言成等正覺者即成道相也。隨學果用中已說也。

△三頌結勸受持。一結前諸行。若人於此普賢願讚誦受持及演說。

△二重顯勝益。

果報唯佛能證知。決定獲勝菩提道。若人誦此普賢願。我說少分之善根。一念一切悉圓滿。成就衆生清淨願。

△三結成回向。

我此普賢殊勝行無邊勝福皆回向普願沉溺諸衆生。速往無量光佛刹。

△二結說讚善。

爾時普賢菩薩摩訶薩於如來前說此普賢廣大願王清淨偈已。△善財童子踊躍無量。△一切菩薩皆大歡喜。△如來讚言善哉善哉。

結說讚善乃是義生。此會入定未有佛說。古德共立令衆頓證。○鈔此會入定未有佛說者。會初世尊入師子頻申三昧。便令逝多林忽然廣博。現種種莊嚴之事。普賢開發。文殊讚述。大衆頓證。後文殊出至福城東。教示善財展轉求道。乃至品末佛無自說之處。故此云如來讚言者。乃是義生也。

△二流通分二。一指所說法。
爾時世尊與諸聖者菩薩摩訶薩演說如是不可思議
解脫境界勝法門時。

向普賢說已是結義。今云佛說亦是義生。意欲總該。亦有二意。△一此之一會佛為會主。雖諸善友以總該別亦屬佛說。△二徧該九會。以皆不起菩提樹王徧一切處一時頓說。○鈔此之一會至亦屬佛說者。謂初會來皆菩薩為主。欲有所表。謂初會普賢為主。初會是九會之總表。佛依正二果體是法界。普賢主法界故。二文殊為主。主十信故。足下放光。三法慧為主。

主。十住是解位。足指放光。四功德林為主。十行森聳。如林故。足趺放光。五金剛幢為主。回向高出故。兩膝放光。六金剛藏為主。入地能生無盡之功德故。眉間放光。七普賢為主。位滿還同法界故。於一會中。隨品別有所表。故有餘菩薩等說者也。八普慧普賢等為主。託法進修。慧能引行故。普賢主行故。九至此會初。方是佛自為主。表證入因果。若不冥合佛心。無由證入。故此云佛為會主也。則諸善友皆佛十身中餘類身故。以總該別。縱前八會說主。亦佛十身中菩薩身也。故一一會初皆先標佛。淺識不曉此意。云華嚴多

分非佛親說未爲極妙者。渾是街巷之談也。疏二通該九會至一時頓說者。謂不起菩提樹而昇忉利天等三天也。皆不起而昇之。如昇須彌品云。爾時世尊不離一切菩提樹下。而昇須彌向帝釋殿。法慧菩薩偈云。佛子。汝應觀如來自在力。一切閻浮提皆言佛在中。我等今見佛住於須彌頂。十方悉亦然。如來自在力。既三天皆爾。故成四句。一不起一切菩提樹而昇一天。如前經文。二不起一處而昇一切處。三不起一處而昇一處。四不起一切處而昇一切處。二四兩句取其結例之文。謂十方悉亦然。取前一切閻浮提

對忉利悉亦然。則是第四句。但取一閻浮提對一切忉利是第二句。其第三句易知。故無文。義必合有。是則不起法界菩提樹。遍昇法界七處。卽第四句。問。動靜相違。去住懸隔。既云不離。何得言昇。答。然佛得菩提智。無不周。體無不在。無依無任。無去無來。然以自在卽體之應。應隨體遍。緣感前後。有住有昇。閻浮有。感見在道樹。天宮有感見昇天上。非移覺樹之佛而昇天宮。故云不離覺樹。而昇釋殿。故法慧云。佛子。汝應觀等。文理有據。今更以喻顯。譬如朗月。流影遍應。且澄江一月。三舟共觀。一舟停住。二舟南北。南者見

月千里隨南北者見月千里隨北停舟之者見月不移。是謂此月不離中流而往南北。設百千共觀八方各去則百千月各隨其去。諸有識者曉斯旨焉。△向見普賢在菩提場。攝末歸本。以本該末。並爲佛說。○鈔向見普賢至佛說者。然第一會初是菩提場證道。佛既不離菩提樹而在逝多林。文殊從佛會而出。乃至福城東開發善財。是從本起末。善財求友展轉南行。並是末也。從寄登地已後。多不指方。最後見普賢時在菩提場內。是攝末歸本也。故云以本該末。並爲佛說也。

△二時衆受持。二。一。列能持衆。三。一。菩薩衆。

文殊師利菩薩而爲上首。諸大菩薩及所成熟六千比丘。彌勒菩薩而爲上首。賢劫一切諸大菩薩。無垢普賢菩薩而爲上首。一生補處。任灌頂位。諸大菩薩。及餘十方種種世界普來集會。一切刹海極微塵數諸菩薩摩訶薩衆。

文有四類。前之二類多在此會。第三普賢義通常隨。則徧該九會。第四種種世界普來集會亦通二義。亦是前來遠集新衆。二通九會集有遠近。而梵本無文。○鈔及所成熟六千比丘者。卽文殊辭佛往於南方。

舍利弗亦辭佛領自徒衆六千比丘。海覺比丘而爲
上首。至於中路。舍利弗勸令歸依文殊。文殊如象王
回旋觀諸比丘。爲說十種無疲厭心。謂積集一切善
根心無疲厭。見一切佛承事供養心無疲厭。求一切
佛法心無疲厭。行一切波羅蜜心無疲厭。成就一切
菩薩三昧心無疲厭。次第入一切三世心無疲厭。普
嚴淨十方佛剎心無疲厭。教化調伏一切衆生心無
疲厭。修一切劫中成就菩薩心無疲厭。爲成就一切
衆生故修行一切佛剎微塵數波羅蜜成就如來十
力。如是次第爲成熟一切衆生界。成就如來一切力。

心無疲厭。諸比丘得普照法界。故大疏序云。象王回
旋六千道成於言下。故此列之也。言比丘者。新云苾
芻。唐言具淨。西天有苾芻草。有其五德。以況佛弟子
有其五種德也。一體性柔軟。如此丘調伏三業。制伏
煩惱不起。卒暴。柔和善語。不觸於人。二引蔓。傍布。此
況比丘須傳佛教勸化一切。互相接引。展轉相化。如
一燈然百千燈。三香氣遠騰。覺香氣者。悅樂身心。此
況比丘戒香芬馥。衆人聞者。皆生歡喜。發其道意。四
觸身安樂。有患者。此草拂著。皆悉平復。以況比丘自
斷煩惱。以求無上菩提。外則教化衆生。皆令斷惡滅。

煩惱惑。安住善品。五不背日光。猶如葵藿常隨向日。此況比丘行住坐卧。四威儀中常向如來。不會外緣。邪見是爲五德也。復有五義。一曰怖魔。初出家時。魔宮震動。此約淨心出家者說。二曰乞士。謂上從諸佛。乞法以資慧命。下從檀越乞衣食以濟色身。求無上菩提。三曰淨持戒。佛地論及婆沙論說具足六義名淨持戒。一具住淨尸羅。二能自防非別解脫戒。三具足三千威儀八萬細行。四所行具足離五處不應行。卽處女。寡女。沽酒屠兒。惡黨等。五於微細罪生廣大怖。故世尊言。莫輕小罪。以爲無殃。水滴雖微。漸盈大

器。慎之妙矣。六受之處。須依勝師。不現邪見。如是六義名淨持戒也。四曰淨命。離四邪命。及五邪命。四邪命者。一下口食。謂種植樹木。耕田墾土。二仰口食。謂觀瞻星象。以求衣食。三方口食。謂四方通耗等。及媒嫁事。四維口食。謂呪術推筭。祿命決疑。用怖於人。以求衣食。五邪命者。一爲利養。故詐現希奇。二爲利養。故自說功德。三爲利養。故占相吉凶。爲說令怖。以求衣食。四爲利養。故稱得供養。激動人心。五爲利養。故廣置徒弟。高聲現威。令人怕怖。恐動求財也。若能離得四邪五邪。所獲資身。名爲淨命食。得各比丘也。五

曰破惡謂能降四魔也。賢劫一切諸大菩薩者。今此住劫應各善賢。得名所因。如大悲經說。此三千大千世界初欲成時。有大水聚。淨居天子觀此大水。見有千莖諸妙蓮華。各有千葉。金色金光。知有賢人一千同劫成佛。故名賢劫。則住二十介劫中。今當第九。彌勒於第十劫中成佛。如餘處說也。言一生補處者。謂唯有人中一遍受生名爲一生。當紹前佛之位名爲補處。此約化身成道也。唯慈恩解。一生補處總有三位。一者一生所繫。二者最後之身。三者坐道場。身上生則一生所繫。唯有當來一遍受生爲能繫。下生則

某翁

句後二身。如釋迦初生時。於東西南北各行七步。說一偈云。我生胎分盡。是最末後身。我已得漏盡。當廣度衆生。卽名最後身也。後於菩提樹下坐時。各坐道場身。若成佛了。非三位攝。卽名佛身也。此化身未成佛前。有三位身。若自受用身及他受用身。未成佛前。亦有此三生身。如彌勒疏述也。又諸菩薩有五種生。方便攝化。導利群品。一者除災生。由願自在力。爲大魚等濟諸飢乏。爲大醫王救諸疾病。爲大善巧善和。闡譯爲大國王。如法息苦。爲大天神。斷邪見行。爲火爲水爲車爲舟。爲種種物息除災患。故維摩經云。或

作日月天梵王世界主。或時作地水。或復作火風。劫中有疾病現身作藥草。劫中有饑饉現身作飲食。劫中有刀兵爲之起慈悲等。二者隨類生。以願自在力。於畜生等惡趣中生。彼所行惡而自不行。彼不行善而自行之。如入諸酒肆能立其志。入諸姪舍示欲之過。爲說正法除彼過失。三者大勢生。稟性生時壽量形色種性富貴最爲殊勝。能斷衆生輕慢等過。四者增上生。受十王果自在化導。隨所應生。五者最勝生。此生資糧以極圓滿。如釋迦等生刹帝利大國王家。能現等覺作諸佛事。今言一生補處者於五種生中。

通攝後四。若下生已任最後身。卽第五生攝。是一生補處也。言住灌頂位等者亦名受職位。大經第三十九說十地滿心名受職位菩薩。至此位末心得百萬阿僧祇三昧。其最後三昧名受一切智勝職位。住此三昧已有大寶蓮華忽然出生。其花廣大量等百千三千大千世界。以衆妙寶間錯莊嚴超過一切世間境界。出世善根之所生起。微塵數蓮花以爲眷屬。爾時菩薩坐此花座身相大小正相稱可。無量菩薩以爲眷屬各坐其餘蓮花之上。周而圍繞。一一各得百萬三昧向大菩薩一心瞻仰。此大菩薩坐花座時光。

明言音皆遍法界。一切世界咸悉震動。惡趣休息。國土嚴淨。同行菩薩靡不來集。人天音樂同時發聲。所有衆生悉得安樂。從兩足下放百萬億阿僧祇光明。普照十方諸大地。獄滅衆生苦。於兩膝輪放光滅畜生苦。於臍輪放光。照閻浮提界滅餓鬼苦。兩脅放光滅人間苦。兩手放光。普照天宮阿修羅宮。兩眉放光。普照聲聞。項背放光。普照緣覺。口中放光。照初發心。乃至九地菩薩。眉間放光。普照十地菩薩。令魔宮殿悉皆不現。頂上放光。普照諸佛道場衆會。右遶十市。住虛空中。成光明網。名熾然光明。發起種種諸供養。

事供養於佛。餘諸菩薩從初發心。乃至九地所有供養。欲比於此。筭數譬喻不及其一。若有衆生見如此事。皆悉於菩提得不退轉。此大光明作供養已。復遶十方一一諸佛道場衆會。遶十市已。從諸如來足下而入。爾時諸佛菩薩。知某世界某菩薩行廣大行到受職位。乃至九地菩薩衆皆圍繞恭敬觀察。正觀察時。其諸菩薩卽各獲得十千三昧。十方所有受職菩薩。皆於金剛莊嚴臆德相中。出大光明。名能壞魔怨。普照十方現神變已。而入此菩薩臆德相中。其光入已。令此菩薩智慧勢力增長過百千倍。爾時十方

一切諸佛從眉間出清淨光明無數光明以爲眷屬。名增益一切智神通。普照法界作佛事已。而來至此。菩薩會上周匝圍繞。示現種種莊嚴事已。從大菩薩頂上而入。其眷屬光明亦各入。此諸菩薩頂當入之時。此菩薩得先所未得百萬三昧。名爲已得受職之位。入佛境界。具足十力。墮在佛數也。疏前來遠集新衆者。卽此會列五百菩薩及聲聞衆。世尊入定現相。然後有十方菩薩雲集。故云新衆也。

△二聲聞衆

大智舍利弗摩訶目犍連等而爲上首諸大聲聞。

唯局此會。鈔言大智舍利弗等者。舍利弗本行名。舍利弗多。亦曰舍利子。卽鷲鷲子。蓋從母以呼也。姓拘栗氏。號優波提舍。卽王城提舍論師之子。年纔八歲。名振四方。與大目連少而爲友。形容短小。事山闍耶外道。知不究竟。將期明脫。後遇馬勝聞法得初果。與其徒衆二百五十人。投佛出家。半月後得無學果。阿含第三云。我聲聞中第一。比丘智慧無窮。舍利弗是。雜阿含二十三云。舍利弗是第二法王。廣如中阿舍自果第四西域記第九等敘也。言摩訶目犍連者。新云摩訶沒特伽羅子。目犍連姓。大般若四百七十

八翻爲大採菽氏。瑜伽第四云。菽豆子神仙之後。名拘律陀。或拘梨多。王舍拘哩伽邑人。大婆羅門種。後因鷲子說偈悟道。詣佛出家。七日後得無學果。常在佛左邊。鷲子在右邊。號雙賢弟子。增一云。我聲聞中第一比丘神足輕舉。飛到十方。是大目連。南山記說。目連同名者有六人。今言大者。揀小濫也。廣如本行四十八第九西域記等敘也。諸大聲聞者。聲者所謂諸佛教聲。聞聲悟道。名聲聞也。通卽大乘亦曰聲聞。以佛道聲令一切聞故。又言大者。共有六義。一智大。盡無生故。二斷大。見修盡故。三相大。佛威儀故。四利

撰述

法苑珠林卷之八

六

大世應供故。五用大。具通明故。六記大。當作佛故。
△三雜類衆。

并諸人天一切世主。天龍夜叉乾闥婆阿修羅迦樓羅緊那羅摩睺羅伽人非人等一切大衆。

鈔言天龍等者。總舉八部衆也。一天者有四。一名天子。如世國王名爲天子。緣有福諸天。減一分福與今天子。二生天名天。下從四天王天。上至非想非非想天。中有情。三淨天。但於人中得聖果者。名爲淨天。有自在義故。四生淨天。謂二十八天中諸聖人是也。今言天者。四中多取第二生天也。二龍有四種。一天龍。持

支那

法苑珠林卷之八

七

天宮殿不教墮落者。二人龍。人間典雲致雨者。二地龍。能持山河大地。四王龍。守護王之庫藏等者。復有四種。一者虬龍。虬龍有角。二者鷹龍。鷹龍有翼。二者驪龍。驪龍有珠。四者蛟龍。蛟龍有鱗。又龍離五般障難。方能降雨。一火大增盛。二風吹雲散。三阿修羅收雲入海。四風伯雨師放逸懈怠。五者衆生造諸惡業。龍天瞋責雨亦不下。五中隨有一障。尚卽不下也。三夜叉者。新云藥叉。此云輕捷鬼。唐三藏翻爲暴惡神。亦名勇健神。雌者名可畏。攝地行食啖生類。雄者名藥叉。有翅而能飛空。唯喫孩兒。居下天。守天城門也。

四乾闥婆者。正云健闥。此云尋香行。亦云食香神。謂食氣作樂求乞。天帝須樂體有異相。便往奏之。西天呼一類音聲人名健闥。謂不作生計。尋食香氣作樂求之。五阿修羅者。古翻不飲酒神。謂海水鹹苦釀酒不成。因茲不得喫。各不飲酒神。新云阿素落。此云非天。謂無天實德。故云非天也。六迦樓羅。此云金翅鳥。正云羯路茶。此云妙翅鳥。身有四色。黃金色。白銀色。琉璃色。頗胝迦色。以有四般寶色。翅羽嚴麗。故名妙翅鳥。此具四生。如前已辯也。七緊那羅者。正云緊捺洛。此云歌神。有其四類。法華經中呼爲清歌雅。

樂衆。此樂神體是畜生。形狀似人。面見端正。頭上有一角。人見生疑不委。是人是畜。亦名疑人也。八摩臘。羅伽正云。莫呼洛迦。此云大腹。莫呼云大。洛迦云腹。卽莽蛇蝦蟇之類也。此之八類於一一類中各有無量。總在會中。問此等何緣得至佛會。答慈恩和尚云。由佛慈悲廣爲引化。有靈之類皆悉奔波。希法雨以潤萌芽。冀智藥而除衆苦。如歸慈父。若趣賢王。但由平等慈悲。恩霑動植者也。動者有情。植者無情。草木等類。如來行處。有情遇之。便得超昇。無情枯木。再生花結果也。

△二總顯受持

聞佛所說皆大歡喜信受奉行。

總顯受持。通前諸衆。然此流通。偏通第九。若通九會。於理無違。何必將斯要該九會。又準前例。說法之後。尚闕現瑞及證成等。但案梵文。足有始終。鈔聞佛所說。至信受奉行。者慈恩圓覺疏引文。殊所問經說。有二種義。歡喜奉行。一說者清淨。不爲取者名利所染。故二所說清淨。以如實知法體故。二者得果清淨。卽說益也。亦陳事既周。時衆獲益。聞法者積善於胸懷。受薰者奉言以行學。卽各禀教習學。流通未聞也。

疏何必將斯等者古德多云經來未盡故無流通即
意懸指此文通於九會今不用之故云何必也尚闕
現瑞等者諸會說竟皆有之也即知各自流通也。

△四偈辭述意回向

我佛昔於大劫海修行苦行為衆生△證此難思解脫
門△何幸得聞能讚演△願此勝因皆上薦寶祚長安
帝道昌四恩百辟△及含生△同證玄門齊智海。

第四慶讚回向文有二偈初偈慶遇申讚後偈舉益
回向前中初三句述所證難思後一句慶聞讚演於
初中初二句標佛悲願後一句顯證難思初中上句

標行願時長下句正明行願於中上四字正舉修行
下三字標行所爲下一句顯證難思中言難思等者
即所入不思議解脫境界也門者即能入普賢行願
也此正舉所讚也後偈中初四字舉所回善根下三
字等正申回向於中初即回向有情末後一句回餘
二處初中先明上報四恩下二字明下及含識上四
恩中初別顯王恩疏皆上薦寶祚等下通舉四恩謂
一王恩二三寶恩三父母恩四衆生恩古云施主恩
此上一一有大恩德故回向上報也廣如本生心地
觀經所明言百辟者總舉臣寮同上王恩也及含生

者卽有情之異名。總有十種。一名類生。二名膚生。三名羣生。四名懷生。五名蒼生。六名衆生。七名含生。八名異生。九名緣生。十名有情。今卽一數也。末後一句回餘二處者。玄門二字卽真如實際。智海二字卽無上菩提。願四恩三有同證斯道也。此中及含生等是向衆生。卽隨相行。齊智海是向菩提。卽離相行。玄門是向實際。實際卽非隨非離。隨相行是大悲下化。離相行是大智上求。卽隨相與離相二行闕一不可也。何以隨相若闕離相則成有漏。離相若闕隨相卽墮偏空。以離相得隨相故觀空而萬行沸騰。隨相得離

相故涉有而一道清淨。如此二行不闕。方可觀空不礙有。涉有不礙空。所以然者。謂事卽理。故色卽空。故理由事顯。事藉理空。理空卽觸目全真。事顯乃無非是佛。又空卽色而萬別事事皆真。色卽空而一如相無不寂。若如是解者。無一心而不證。念念道成。無一事而非真。塵塵佛土。此乃圓宗所詮也。所以此教圓無不妙。廣無不周。玄而復深。普而能遍。迥異諸教。凡小權乘之行。成普賢圓融稱性之行也。良以根機有異。性欲不同。上哲之流。匡成比況也。

大方廣佛華嚴經普賢行願品別行疏并鈔卷第六

終

嘉定縣南翔鎮。卷世隆同室汪氏捐資刻
華嚴經行願品別行疏鈔壹部。願得生生世
世。怕得親近。

華藏一切聖賢。怕蒙慈財。之。錄出。若流獲
證安樂。并以回向。曠劫至今。若蒙親同

登

華藏玄門。共入毘盧性海。

沙門慧權成員校正

楊

刊

崇禎壬午孟冬朔日。識於寶德堂。

華嚴宗七祖

出歷代通載

初祖馬鳴尊者。馬鳴大士者。乃西土十二祖。波羅奈國
人也。造起信論。亦名功勝。以有作無作諸功德。最為殊
勝。故名焉。昔世尊示寂六百年中。第十一祖富那夜奢。
華氏國人也。姓瞿曇氏。父寶身。既得法於脇尊者。尋詣
波羅奈國。有馬鳴大士。迎而作禮。因問曰。我欲識佛。何
者。卽是祖。曰。汝欲識佛。不識者是。曰。佛既不識。焉知是
乎。祖曰。既不識佛。焉知不是。曰。此是鋸義。祖曰。彼是木
義。復問鋸義者何。曰。與師平出。又問木義者何。祖曰。汝
被我解。馬鳴豁然。惺悟。稽首歸依。遂求剃度。祖謂衆曰。

此大士者昔爲毘舍離國王。有一類人。如馬裸露。王運神力。分身爲蠶。彼乃得衣。王後復生中印度。馬人感戀悲鳴。因號馬鳴。如來記云。吾滅度後六百年。當有賢者馬鳴。於波羅奈國摧伏異道。度人無量。繼吾傳化。今正是時。卽告之曰。如來大法眼藏。今付於汝。卽說偈曰。迷悟如隱顯。明暗不相離。今付隱顯法。非一亦非二。付法已。卽現神變。湛然圓寂。旣受法於夜奢尊者。後於華氏國轉妙法輪。忽有老人坐前仆地。師謂衆曰。此非庸流。當有異相。言訖不見。俄從地踴出一金色人。復化爲女子。右手指師而說偈曰。稽首長老尊。當受如來記。今於

此地上宣通第一義。說偈已。瞥然不見。師曰。將有魔來。與我校力。有頃。風雨暴至。天地晦冥。師曰。魔之來信矣。吾當除之。卽指空中。現一大金龍。奮發威神。震動山嶽。師儼然於座。魔事隨滅。經七日。有一小蟲。大若蟪蛄。潛形座下。師以手取之。示衆曰。斯乃魔之所變。盜聽吾法耳。乃放之。令去。魔不能動。師告之曰。汝但歸依三寶。卽得神通。遂復本形。作禮懺悔。師問曰。汝名誰邪。眷屬多少。曰。我名迦毘摩羅。有三千眷屬。師曰。汝盡神力。變化若何。曰。我化巨海。極爲小事。師曰。汝化性海得否。曰。何爲性海。我未嘗知。師卽爲說性海云。山河大地。皆依建

立。三昧六通由茲發現。毘摩羅聞言遂發信心。與徒衆
三千。俱來剃度。師乃召五百羅漢與授具戒。復告之曰。
如來大法眼藏。今當付汝。汝聽偈言。隱顯卽本法。明暗
元不二。今付悟了法。非取亦非離。付法已卽入龍奮迅
三昧。挺身空中。如日輪相。然後示滅。四衆以真體藏之。
龍龕。卽顯王四十二年甲午歲也。是爲初祖。

二祖龍樹尊者。龍樹乃西土十四祖。西天竺國人也。申
明起信。亦名龍勝。始於毘羅尊者得法。後至南印度。彼
國之人多信福業。聞尊者爲說妙法。遙相謂曰。人。福
業世間第一。徒言佛性誰能觀之。尊者曰。汝欲見佛性。

先須除我慢。彼人曰。佛性大小。尊者曰。非大非小。非廣
非狹。無福無報。不死不生。彼聞理勝。悉回初心。尊者復
於座上現自在身。如滿月輪。一切衆唯聞法音。不覩師
相。彼衆中有長者。于名迦那提婆。謂衆曰。識此相否。衆
曰。目所未覩。安能辯識。提婆曰。此是尊者現佛性體相。
以示我等。何以知之。蓋以無相三昧形如滿月。佛性之
義廓然虛明。言訖輪相卽隱。復居本座而說偈言。身現
圓月相。以表諸佛體。說法無其形。用辯非聲色。彼衆聞
偈咸願出家。以求解脫。尊者卽爲剃髮。命諸聖授具。其
國先有外道五千餘人。作大幻術。衆皆宗仰。尊者悉爲

化之令歸三寶。復造大智度論中論十二門論垂之於世。後告上首弟子迦那提婆曰。如來大法眼藏。今當付汝。聽吾偈言。爲明隱顯。法方說解脫理。於法心不證。無瞋亦無喜。付法訖。入月輪三昧。廣現神變。復就本座。凝然禪寂。迦那提婆與諸四眾共建寶塔以葬焉。卽秦始皇三十五年己丑歲也。是爲二祖。

三祖帝心法順法師。卒順生杜氏。亦稱杜順。如晦族長也。長安萬年人。以陳永定二年生。少爲隋文帝所重。給月俸供之。有病者。師對之危坐。少頃卽愈。或生而聾者。順召之與言耳。卽聰。或生而啞者。順就與之語。卽能言。

或狂而顛者。順使人領住。向之禪定。少選。彼卽拜謝而去。又嘗臨溪。隨侍者懼。不可濟。順率同涉。水卽斷流。其神迹類如此。而順隕。然初不以介意。尤逢華嚴宗旨。帝素敬重之。嘗引入宮禁。導迎善氣。妃主戚里諸貴奉之。有如生佛。唐太宗詔謂之曰。朕苦勞熱。師之神力。何以蠲除。師曰。聖德御宇。微恙何憂。但願大赦聖躬自安。上從之。疾遂瘳。因錫號曰帝心。作法界觀門。專弘華嚴。弟子智儼尊者。傳其教。是爲三祖。

四祖雲華智儼法師。雲華寺名也。師居是寺。因以名之。親信觀法。姓趙諱智儼。得帝心之親傳。以授賢首。其教

大行是爲四祖。

五祖賢首法師。賢首謚號也。諱法藏。其先康居國人。天冊萬歲元年。詔沙彌康法藏於太原寺開示華嚴宗旨。方緒經題。感白光昱然自日而出。須臾成蓋。停空久之。萬衆歡呼歎異。都講僧恒奏其事。則天悅。有旨命京城十大德爲藏授滿分戒。賜號賢首。詔入大遍空寺。纂譯經。是歲詔賢首法師法藏於東都佛授記寺講新華嚴經。至華藏世界。感大地震動。逾時乃息。卽日召對長生殿。問帝網十重玄門。海印三昧。參合六相。總別同異。成壞之義。藏敷宣有緒。玄旨通貫。則天驟聞。茫然驚異。仲

請再三。藏就指殿隅金師子爲曉譬之。至所謂一毛頭師子百億毛頭師子。則天豁然領解。由是集其語目爲金師子章。初雲華寺儼尊者傳杜順華嚴宗旨。藏執侍儼。盡傳其教。及儼去世。藏以巾幘說法。於是京城耆德連名抗表。乞度爲僧。凡藏落髮受具。皆則天特旨。又嘗爲則天以十圓鏡置入隅上下。皆使相向。中安像佛。然燭照之。則鏡鏡現像。互相攝入。及觀之者。交羅齊現。以表刹海十界普容無盡之旨。藏沒清涼國師澄觀宗其教。天下學者宗之。目爲一念圓融具德宗。謂之賢首開宗判教。是爲五祖。

清涼國師疏鈔緣起

六祖清涼國師澄觀。字大休。會稽人。姓夏侯氏。廣造疏鈔。生於開元戊寅。身長九尺四寸。垂手過膝。口四十齒。日光夜發。晝乃不眴。天寶七年出家。至肅宗二年。丁酉。受具。是年奉詔入內。勅譯華嚴。初至德中。卽以十事自勵。曰。體不捐沙門之表。心不違如來之制。坐不背法界之經。性不染情礙之境。足不履尼寺之塵。脇不觸居士之榻。目不視非儀之綵。舌不味過午之餽。手不釋圓明之珠。宿不離衣鉢之側。從牛頭忠徑山欽問西來宗旨。授華嚴圓教於京都。說禪師。至是大曆三年。代宗詔入

內。與大辯正三藏。譯經爲潤文大德。旣而辭入五臺大華嚴寺。覃思華嚴。以五地聖人。栖身佛境。心體真如。猶於後得智起。世俗心學。世間解繇。是博覽六藝圖史。九流異學。華夏訓詁。竺經梵字。及四圍五明聖教。世典等書。靡不該洽。至建中四年。下筆著疏。先求瑞應。一夕夢金容當陽山峙。光相顯顯。因以手捧咽面門。旣覺而喜。以謂獲光明徧照之徵。自是落筆無停思。乃以信解行證。分華嚴爲四科。理無不包。觀每慨舊疏未盡經旨。唯賢首國師。頗涉淵源。遂宗承之。製疏。凡歷四年。而文成。又夢身爲龍。矯首南臺。尾蟠北臺。死轉凌虛。鱗鬣耀日。

須臾變百千數。蜿蜒青冥分散四方而去。識者以爲流通之像也。初爲衆講之。感景雲凝。停講堂庭前之空中。又爲僧叡等著。隨疏演義四十卷。隨文手鏡一百卷。云詔清涼講華嚴經題。

丙子十二年。宣河東節度使禮部尚書李旒備禮迎法師澄觀入京。觀至。有旨命同蜀賓三藏般若翻譯烏茶國所進華嚴後分梵夾。帝親預譯場。一日不至。卽差僧寂光依僧欲二。皇帝國事因緣。如法僧事與欲清淨。觀承睿旨。翻宣旣就進之。帝命開示華嚴宗旨。群臣大集。觀陞高座曰。我皇御宇。德合乾坤。光宅萬方。重譯來貢。

東風入律。西天輪越海之誠。南印御書。北闕獻朝宗之敬。特回明詔。再譯真詮。光闡大猷。增輝新理。澄觀顧多天幸。欽屬盛明。奉詔譯場。承旨幽讚。拈躍兢惕。二復蜀愚。露滴天池。喜合百川之味。塵培華岳。無增萬仞之高。極虛空之可度。體無邊涯。大也。竭滄溟而可飲。法門無盡方也。碎塵刹而可數。用無能測。廣也。離覺所覺。朗萬法之幽邃。佛也。芬敷萬行。榮耀衆德。華也。圓茲行德。飾彼十身。嚴也。貫攝玄微。以成真光之形。經也。總斯七字。爲一部之宏綱。將契本性。非行莫階。故說普賢無邊勝行。行起解絕。智證圓明。無礙融通。現前受用。帝大悅。賜

觀紫方袍號教授和尚。其後相國齊抗鄭餘慶高郢請撰華嚴綱要三卷。相國李吉甫侍郎歸登駙馬杜琮請述正要一卷。又爲南康王韋阜相國武元衡著法界觀玄鏡一卷。僕射高崇文請著鏡燈說文一卷。司徒嚴綬司空鄭元刺史陸長源請撰三聖圓融觀一卷。節度使薛華觀察使孟簡中書錢徽拾遺白居易給事杜羔等請製七處九會華藏界圖心鏡說文十卷。又與僧錄靈邃大師十八首座十寺三學上流製華嚴圓覺四分中觀等經律論關脉三十餘部。皆古錦純金隨器任用耳。詔清涼講華嚴宗旨。

撰述

華嚴宗七祖

卷十

已卯十五年清涼受鎮國大師號。進天下大僧錄。四月帝誕節勅有司備儀輦迎教授和尚澄觀入內殿闡揚華嚴宗旨。觀陞高座曰。大哉真界萬法資始。包空有而絕相。入言象而無迹。妙有得之而不有。真空得之而不空。生滅得之而真常。緣起得之而交暎。我佛得之妙踐真覺。廓盡塵習。寂寥於萬化之域。動用於一虛之中。融身刹以相合。流聲光而遐燭。我皇得之靈鑒。虛極保合。大和聖文掩於百王。淳風扇於萬國。敷玄化以覺夢。垂天真以性情。是知不有太虛曷展無涯之炤。不有真界豈淨等空之心。華嚴教者卽窮斯旨趣。盡其源流。故恢

支那

華嚴宗七祖

卷十

廓宏遠包納冲邃不可得而思議矣。指其源也。情塵有經智海無外。妄惑非取。重玄不空。四句之火莫焚。萬法之門皆入。冥二際而不一。動千變而非多。事理交涉而兩忘。性相融通而無盡。若秦鏡之互照。猶帝珠之相含。重重交光。歷歷齊現。故得圓至功於頃刻。見佛境於塵毛。諸佛心內衆生。新新作佛。衆生心中諸佛。念念證真。一字法門。海墨書而不盡。一毫之善。空界盡而無窮。語其定也。冥一如於無心。卽萬動而常寂。海湛真智。光含性空。星羅法身。影落心水。圓音非扣而長演。果海離念而心傳。萬行忘炤而齊修。漸頓無礙而雙入。雖四心

被廣入難頓超。而一極唱高。一乘絕聽。當其器也。百城詢友。一道棲神。明正爲南方盡南矣。益我爲友。人皆友焉。遇三毒而三德圓。入一塵而一心淨。千化不變其慮。萬境順通于道。契文殊之妙智。死是初心。入普賢之玄門。曾無別體。失其旨也。徒修因於曠劫。得其門也。等諸佛於一朝。諦觀一塵法界在掌。理深智遠。識昧辭單。塵黷聖聰。退座而已。帝時默湛海印。朗然大覺。顧謂群臣曰。朕之師言雅而簡。辭典而富。扇真風於第一義天。能以聖法清涼朕心。仍以清涼賜爲國師之號。朕思從來執身心我人。及諸法定相。斯爲甚倒。群臣再拜稽首頂

奉明命由是中外台輔重臣咸以入戒禮而師之。凡歷九朝。為七帝門師。是為六祖。九朝者唐玄宗。肅宗。代宗。德宗。順宗。憲宗。穆宗。敬宗。文宗也。七帝者即代宗以下七帝也。

上問華嚴法界

帝問國師澄觀曰。華嚴所詮何謂法界。奏曰。法界者。一切衆生之身心本體也。從本以來。靈明廓徹。廣大虛寂。唯一真境而已。無有形貌而森羅大千。無有邊際而含容萬有。昭昭於心目之間。而相不可觀。晃晃於色塵之內。而理不可分。非徹法之慧目。離念之明智。不能見自心。如此之靈通也。故世尊初成正覺。歎曰。奇哉。我今普

見一切衆生。具有如來智慧德相。但以妄想執著。而不能證得。於是稱法界性說華嚴經。全以真空簡情。事理融攝。周遍凝寂。帝天縱聖明。一聽玄談。廓然自得。於是勅有司備禮鑄印。遷國師統冠天下。緇徒號僧統。清涼國師。

御讚清涼國師碑銘

開成三年三月六日。僧統清涼國師澄觀將示寂。謂其徒海岸等曰。吾聞偶運無功。先聖悼歎。復質無行。古人耻之。無昭穆動靜。無綸緒往復。勿穿鑿異端。勿順非辯僞。勿迷陷邪心。勿固牢鬪諍。大明不能破長夜之昏。慈

母不能保身後之子。當取信於佛。無取信於人。真離玄微。非言說所顯。要以深心體解。朗然現前。對境無心。逢緣不動。則不孤我矣。言訖而逝。師生歷九朝。爲七帝門師。春秋一百有二。僧臘八十有三。身長九尺四寸。垂手過膝。日光夜發。晝視不瞬。才供二筆。聲韻如鐘。文宗以祖聖崇仰。特輟朝三日。重民縞素。奉全身塔于終南山。未幾有梵僧到闕。表稱於葱嶺見二使者。凌空而過。以呪止而問之。答曰。北印度文殊堂神也。東取華嚴。菩薩大牙歸國供養。有旨啓塔。果失一牙。唯三十九存焉。遂闡維舍利光明瑩潤。舌如紅蓮色。賜謚仍號清涼國師。

妙覺之塔。相國裴休奉勅撰碑。其銘曰。寶月清涼。寂照法界。以沙門相藏世間解。澄湛含虛。氣清鍾鼎。雪沃剡溪。霞橫緱嶺。真室寥夏。靈嶽崔嵬。虛融天地。峻拔風雷。離微休命。實際龐鴻。奉若時政。革彼幽蒙。炯乎禹質。元聖孕靈。德雲冉冉。凝眸幻形。各響入耳。性不可爲。青蓮出水。深不可闕。才受尸羅。奉持止作。原始要終。克諧適莫。鳳藻瓊奇。遺演秘密。染翰風生。供盈二筆。欲造玄關。咽金一象。逮竟將流。龍飛千颺。疏新五頂。光銜二京。躍出法界。功齊百城。萬行分披。華開古錦。啓廸群眈。與甘露飲。燮讚金偈。懷生保乂。聖主師資。聿興遐裔。貝葉翻

是場宣譯揚獨步。譚柄一揮幾回天。顧王庭闡法。傾河湧泉。
屬辭縱辯玄。玄玄紫衲命衣清。涼國號不有我師。孰
知吾道九州傳。命然無盡燈。一人拜錫統天下。僧帝網
冲融。潛通萬戶。歷天不周。同時顯晤。卷舒自在。來往無
蹤。大士知見。允執厥中。西域供牙。梵倫遠至。奏啓石驗。
嘉風益熾。勅俾圖真。相卽無相。海印大龍蟠。居方丈。哲
人去矣。資何所繫。卽事之理塔鎖終南。

勅寫國師真。奉安大典。唐寺文宗皇帝御製讚曰。朕觀
法界曠閭無垠。應緣成事。允用虛根。清涼國師體象啓
門。奄有法界。我祖聿尊。教融海岳。恩廓乾坤。首相二疏
拔擢幽昏。間氣斯來。拱承佛日。四海光凝。九州慶溢。敝
金仙門。奪古賢席。大手名曹。橫經請益。仍師臣休。保余
遐曆。爰抒顯毫。式揚茂實。真空罔盡。機就而駕。白月虛
秋。清風適夏。妙有不遷。緣息而化。邈爾禹儀。煥乎精舍。
七祖圭峯。宗密禪師。極圓覺疏鈔。是年己未正月六日。
師示寂。相國裴休撰傳法碑。師姓何氏。果州西充人。釋
迦如來三十九代法孫也。釋迦住世八十年。爲無量天
人聲聞菩薩說種種法。最後以法眼付大迦葉。令祖祖
相傳。別行千世。顧此法衆生之本源。諸佛之所證。超一
切理。離一切相。不可以言語智識有無隱顯推求而得。

但心心相印。印相契。使自證知。光明受用而已。自迦葉至達磨。達磨東來。至曹溪。凡三十三世。曹溪傳荷澤。荷澤傳磁州。如傳荆南忠。忠傳遂州圓。圓傳禪師。師於荷澤爲五世。於迦葉爲三十八世。其宗系如此。師豪家。少通儒學。一日謁遂州。未及與語。退遊徒中。見其儼然在定。忻躍慕之。遂剃染受道。嘗赴齋。次受經。得圓覺十二章。誦未終。豁然大悟。歸以告其師。師印可。乃謁東京。炤曰。菩薩人也。誰其識之。次謁清涼觀。觀曰。毘盧華藏。能從我遊者。其汝乎。及因漢上僧。授華嚴新疏。遂講華嚴。久之。著圓覺華嚴涅槃金剛唯識起信法界觀。

等經疏鈔。及禮懺修證圖傳纂畧。亦集諸宗禪語爲禪藏。并書偈論議。凡九十餘卷。或以師不守禪行而講經論。遊名邑大都。以典建爲務。乃爲多聞之所役。豈聲利之所未忘乎。曰。嘻。夫一心者。萬法之總也。分而爲定慧。開而爲六度。散而爲萬行。萬行未嘗非一心。一心未嘗違萬行。禪者六度之一耳。何能總諸法哉。且如來以法眼付迦葉。不以法行。故自心而證者爲法。隨行而起者爲役。得未必嘗同也。然則一心者。萬法之所生而不屬於萬法。得之者。則於法自在矣。見之者。則於教無礙矣。本非法。不可以法說。本非教。不可以教傳。豈可以軌迹。

而尋哉。自迦葉至富那夜奢。凡十祖皆羅漢。所度亦羅漢。至馬鳴龍樹提婆天親。始開摩訶衍。著論釋經。摧滅外道。爲菩薩唱首。而尊者闍夜獨以戒力爲威神。尊者摩羅獨以苦行爲道迹。其他諸祖。或廣行法教。或專心禪定。或蟬蛻而去。或化火而滅。或攀樹以示終。或受害而償債。是乃法必同而行不必同也。且循轍迹者非善行。守規墨者非善巧。不迅疾無以爲大牛。不超過無以爲大士。故禪師之爲道也。以知見爲沙門。以寂靜爲正味。慈忍爲甲冑。慧斷爲劔矛。破內魔之高壘。陷外賊之堅陣。鎮撫邪雜。解釋繚籠。遇窮子。則叱而使歸其家。見

卷
卷

貧女則呵一而使炤其室。窮子不歸貧女不富吾師耻之。三乘不興。四分不振。吾師耻之。忠孝不並。化荷擔不勝。任吾師耻之。故皇皇於濟拔。汲汲於開誘。不以一行自高。不以一德自聳。人有歸依者。不俟請而往也。有求益者。不俟憤則啓矣。雖童幼不簡於應接。雖傲狠不怠於扣勵。其以闡教度生。助國家之化也如此。故親師之法者。貪則施。暴則斂。剛則隨。戾則順。昏則開。惰則奮。自榮者謙。自堅者化。循私者公。溺情者義。故士俗有變活業。絕血食持戒法。而爲近住者。有出而修政理。以救疾苦。爲道者。有退而奉父母。以豐供養爲行者。其餘懂懂而

來欣欣而去。揚袂而至。實腹而歸。所在不可勝紀。真如
 來付囑之菩薩。衆生不請之良友。其四依之一乎。其十
 地之人乎。吾不識其境界。庭宇之廣狹。議者又焉知大
 道之所趣哉。唐文宗詔問佛法大意。賜號大德。是為七
 祖。閱世六十二。僧臘三十四。宣宗追謚定慧禪師。門弟
 千僧。尼四衆。凡數千人。
 大方廣佛華嚴經七祖行蹟

九會主名

初八普賢七九佛

第二文殊三法慧

四功德林五剛幢

第六會是金剛藏

九會八十一卷經數

菩提十一普光四

初三夜三兜十二

他化有六七十三

八七園林二十一

會品分周總要

信分所信因果周

初會六品說依正

解分二會至六七

信住等妙次第論

其中品有三十一

差別平等二周并

八會一品二千門

成行因果為行分

說果法界第九會

證入因果證行分

大經綱要欲粗知

以斯歌訣而熟記

九會二十九品數

六六六四及與三

一十一亦復一

總

一卽具多爲總相 亦九會品數

別

多卽非一名別相 初二三各六

六相

同相

多類自同成於總 四四五有三

異相

各體別異現於同 六一七十一

成

一多緣起理妙成 八九各爲一

壞

壞任自法常不作 海之二滴味具百川

同時具足相應 廣狹自在無礙

一尺之鏡見千里影

十玄明

一多相容不同

諸法相卽自在

秘密隱顯俱成

微細相容安立

因陀羅網境界

託事顯法生解

十世隔法異成

主伴圓明具德

明如

一室千燈光光涉入

金與金色不相捨離

秋空片月晦明相竝

琉璃之餅盛多芥子

兩鏡互明傳耀相寫

擎拳豎臂觸目皆道

一夕之夢翱翔百年

北辰所居衆星皆拱

終

十支門

十支門

十支門

十支門

十支門

十支門

十支門

其氣也

其氣也

其氣也


其氣也

其氣也

其氣也

其氣也





井

四

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9